



ახალი განათლება

18-24.01.2018

№1 (795) განმარტის 1998 წლიდან

www.axaliganatleba.ge



რეფორმირებული სისტემის მთავარი ორიენტირები



მართლმსაჯულება

ყველა ბავშვისთვის

გვერდი 4

„წიგნის თარო“ გთავაზობთ „ინტელექტისა“ და „არტანუჯის“ მეორე მომზადებულ კრებულებს



გავიგეოროთ მათემატიკა
გავიგეოროთ მათემატიკა
საბავშვო-საშუალო სკოლებისთვის
1 წელიწადი



გავიგეოროთ მათემატიკა
გავიგეოროთ მათემატიკა
საბავშვო-საშუალო სკოლებისთვის
II წელიწადი

ეროვნული გამოსდების სივლასთა ისტორიაში



ბიორგი მეტურჯულიშვილი, არჩილ თაბუკაშვილი, კონსტანტინე ბარამია
ეროვნული გამოსდების სრული სტანდარტის დაცვით შედგენილი ტექსტები აბიტურიენტს საშუალებას აძლევს, გამოცდებზე გასვლამდე, გაიაროს ეროვნული გამოსდების სივლასთა, ანუ შექმოს ზუსტად იმ ტიპისა და სირთულის დავალებების შესრულება, როგორც ეროვნულ გამოსდებზე. სახელმძღვანელოში განთავსებულია ავტორთა ჯგუფის მიერ შედგენილი უნიკალური რუკები, რომელთა გამოყენება შესაძლებელია არა მარტო ეროვნული გამოსდებისთვის მოსამზადებლად, არამედ საბაკვეთილო პროცესისას კონკრეტული ისტორიული ეპოქის განსაზღვრებლადც.
ფასი - 15 ლარი

სკოლის თვითშეფასება განვითარებისთვის საკილოცა მოღელის გამონვევები და რისკები

გვერდი 2

იუბილე ქალაქ ბოლნისის კირველი საჯარო სკოლა 75 წლისაა

გვერდი 6

სამოქალაქო გაკვეთილი ქიმიის და ბიოლოგიის ინტეგრირებული გაკვეთილი

გვერდი 8

საკილოტი მოდელის გამოწვევები და რისკები

ლალი ჯვალაძე

პროექტის „სკოლის თვითშეფასება განვითარებისთვის“ ფარგლებში, სკოლის დირექტორებისა და პროექტში ჩართული განათლების სპეციალისტების მონაწილეობით, პირველი შემჯავამებელი შეხვედრა გაიმართა. პროექტის „სკოლის თვითშეფასება განვითარებისთვის“ მიზანია ქართული სკოლებისთვის თვითშეფასებისა და განვითარების სისტემის მოდელის შემუშავება, საბუნებისმეტყველო საგნებსა და მათემატიკაში სწავლა-სწავლების ხარისხის გაუმჯობესებისთვის. პროექტში 15 სკოლაა ჩართული და სამ ეტაპად ხორციელდება. პირველი ეტაპი მოიცავდა მოწვეული ექსპერტების მიერ ორგანიზებულ სამუშაო შეხვედრებსა და სასწავლო ტურებს დანიაში, გერმანიაში და ჰოლანდიაში. მეორე ეტაპი – სკოლის საჭიროებებზე მორგებული შეფასებისა და განვითარების მოდელის შემუშავებასა და პილოტირებას. ბოლო ეტაპი კი კვლევას, მიღებული ცოდნისა და გამოცდილების გაზიარებას ითვალისწინებს.

„განათლების ხარისხის განვითარებისთვის ძალიან დიდი მნიშვნელობა აქვს სკოლის როგორც შიდა, ასევე გარე შეფასების სისტემების აწყობას. დღეს საზოგადოება ზოგად განათლებას სუბიექტური გამოცდილებით და სუბიექტური მოლოდინების შესაბამისად აფასებს. ნების განმავლობაში, სხვადასხვა პროექტების ფარგლებში, ვითარდებოდა სკოლის შიდა და გარე შეფასების სისტემები. ამ ეტაპზე, უფრო მწყობრ სისტემაზე გადავიდეთ. ჩვენმა სკოლის დირექტორებმა ძალიან მნიშვნელოვანი გამოცდილება შეიძინეს სხვადასხვა ქვეყნებში, დააკვირდნენ არსებულ მოდელს, გააანალიზეს, როგორ შეიძლება მათი გადმოტანა ჩვენს რეალობაში და ქართული სკოლის სინამდვილეში და, რაც ყველაზე მთავარია, შეიმუშავეს საკუთარ სკოლებში, სკოლის შიდა შეფასების სისტემები, სკოლის განვითარებისა და განათლების ხარისხის გაუმჯობესებისთვის“, – განაცხადა განათლების მინისტრის მოადგილე ლია გიგაურმა.

„სკოლის თვითშეფასება განვითარებისთვის“ სამსლიანი პროექტია, რომელსაც შეფასებისა და გამოცდების ეროვნული ცენტრი, „ათასწლეულის გამოწვევის ფონდი – საქართველოსა“ და „ათასწლეულის გამოწვევის კორპორაციის“ ფინანსური მხარდაჭერით, ახორციელებს.

შეფასებისა და გამოცდების ეროვნული ცენტრის დირექტორისთვის, მია მიმინოვილისთვის პროექტი იმ თვალსაზრისითაა საინტერესო, რომ: „ის არ გულისხმობს კონკრეტული ორგანიზაციის, მაგალითად, შეფასებისა და გამოცდების ეროვნული ცენტრის არ რამელიმე ექსპერტთა ჯგუფის მომზადებას იმისთვის, რომ სკოლებისთვის შეიმუშაოს ეფექტური მოდელი. ეს პროექტი გულისხმობს მონაწილე სკოლების მომზადებას იმისთვის, რომ თვითონ მოარგონ კონკრეტული შეფასების მოდელი საკუთარ სკოლას, რომელიც ითვალისწინებს, ბუნებრივია, ამ სკოლის საჭიროებებს, სპეციფიკას.“

შეხვედრა ორი ძირითადი მიმართულებით წარიმართა: დირექტორებმა, რომლებიც პროექტის ფარგლებში საერთაშორისო გამოცდილებას გაეცნენ (გერმანიაში, ჰოლანდიაში და დანიაში), ისაუბრეს სკოლის შიდა შეფასებისა და განვითარების სისტემებზე, დისკუსია გაიმართა საქართველოს სკოლებში არსებული გამოწვევებისა და შესაძლებლობებზე.

სისპ გალაკტიონი ტაბიძის სახელობის საშუალო №6 საჯარო სკოლის დირექტორი თამარ ხადური იმ 15 დირექტორიდან ერთ-ერთია, ვინც შეფასებისა და გამოცდების ეროვნული ცენტრის მიერ „სკოლის შეფასებისა და განვითარების“ პროექტის ფარგლებში გამოცხადებული ორეტიპიანი შეხვედრის კონკურსის გავლის შემდეგ, გახდა „სკოლის შეფასებისა და განვითარების“ საბჭოს წევრი (საბჭოს წევრები სკოლის დირექტორები და სამინისტროს სტრუქტურების წარმომადგენლები არიან). „საბჭოს ამოცანაა, შეიმუშაოს შიდა შეფასებისა და განვითარების მოდელი, გამოვცადოთ საკუთარ სკოლებში, გავაანალიზოთ პროცესი და შედეგები, მოვამზადოთ რეკომენდაციები სხვა სკოლებისთვის და პოლიტიკის მიმღებთათვის. პროექტის მეორე ეტაპი სწორედ სკოლის საჭიროებებზე მორგებული შეფასებისა და განვითარების მოდელის შემუშავებასა და პილოტირებას ითვალისწინებს. – ამბობს სათუნა ხადური, – პროექტის ფარგლებში, სასწავლო ტურით ვიმყოფებოდი დანიაში, ქალაქ ორჰუსში. ძალიან მომხიბლა დანიის განათლების სისტემამ, რომელიც დამოუკიდებელი პიროვნების აღზრდას ემყარება და მარტივი მოდელია აქვს. ექსპერტები, საჭიროების შემთხვევაში, უნევენ სკოლებს დახმარებას და აძლევენ რეკომენდაციებს.“

ამჟამად კი პროექტის ფარგლებში მიმდინარეობს სკოლის თვითშეფასების ქართული ექსპერიმენტული მოდელის შემუშავება, რომელშიც გათვალისწინებულია სოფლის მცირეკონტინგენტური, ქალაქის დიდი და ურბანული ტიპის სკოლების სპეციფიკა, მათი მსგავსება და განსხვავებები. თუმცა, რადგან ჯერ არ არის დამთავრებული აღნიშნული პროცესი, სკოლის დირექტორი დეტალურად საუბრისგან თავს იკავებს. ამბობს, რომ საქართველოში სკოლების თვითშეფასების მოდელის შემუშავებასთან დაკავშირებით, გარკვეული რისკები არსებობს, რაც გამოწვეულია მსგავსი გამოცდილების არქონის, კომპეტენტური ადამიანების სიმცირისა თუ სხვა ფაქტორების გამო. მაგრამ მიიჩნევს, რომ ეს ყველაფერი დაძლეადია უცხოური გამოცდილების გაზიარებით: „ჰოლანდიელმა და გერმანელმა ექსპერტებმა ვორქშოპებზე გაგვიზიარეს თავიანთი გამოცდილება, რომელსაც ქართული მოდელის ასაგებად ვიყენებთ“ – გვიხარია თამარ ხადური.



თბილისის 175-ე სკოლის დირექტორი თინათინ ალავიძე ამბობს, რომ სკოლები განსხვავებული კულტურის მატარებლები არიან, ამიტომ ძალიან მნიშვნელოვანია, რომ მათ ჰქონდეთ ისეთი მოქნილი ინსტრუმენტები და მოდელი, რომელსაც საკუთარ საჭიროებებს მორგებენ და შეძლებენ თვითშეფასებას. მისი აზრით, სკოლის შიდა შეფასების დაგეგმვისა და განხორციელების პროცესში სასკოლო საზოგადოების ჩართულობა და ამ პროცესებში თანამონაწილეობა ამაღლებს სკოლის პასუხისმგებლობას და უფრო ეფექტურს ხდის პროექტის მიმდინარეობას. პროექტის ფარგლებში, განვითარებული ქვეყნების შიდა და გარე შეფასების სისტემების დაკვირვების შესაძლებლობამ კი უფრო მეტად დააფიქრა ქართველი დირექტორები იმ გამოწვევებზე, რაც ჩვენი განათლების სისტემის წინაშე დგას.

„ჩვენი მუშაობა ძირითადად კვლევაზეა დაფუძნებული. საკვლევი საკითხად ავიღეთ STEM საგნებში სწავლა-სწავლების ხარისხის ამაღლებისთვის განმავითარებელი შეფასების ეფექტურობა. სასწავლო პროცესში განმავითარებელი შეფასების გამოყენება მნიშვნელოვანია როგორც მოსწავლისთვის, ასევე მასწავლებლისთვის. დროული და კარგი განმავითარებელი შეფასებით, მოსწავლე გეგმავს მიღწეული შედეგის გაუმჯობესების გზებს, მასწავლებელი კი – საკუთარი პრაქტიკის გაუმჯობესების გზებს.“

სკოლის მასწავლებლებისგან შეიქმნა ხარისხის და ინტერვენციის ჯგუფები, შემუშავდა კვლევის გეგმა, საკვლევი ინსტრუმენტები, განისაზღვრა ბენეფიციარები. ამ ეტაპზე მიმდინარეობს მონაცემთა დამუშავება, რის საფუძველზეც გამოიკვეთება ძლიერი და სუსტი მხარეები და განხორციელდება ინტერვენციები.

დავადგენთ განმავითარებელი შეფასების ეფექტიანი გამოყენებისთვის მასწავლებელთა პროფესიული განვითარების საჭიროებებს. მასწავლებლები ვაეცნობიან განმავითარებელი შეფასების განხორციელების სტრატეგიებსა და მეთოდებს. პედაგოგებისთვის შემუშავდება რეკომენდაციები, რაც სამუშაო პროცესს და შეფასების სისტემას უფრო ეფექტურს გახდის“ – ამბობს თინათინ ალავიძე.

ახალციხის მუნიციპალიტეტის ქალაქ ვალეს №2 საჯარო სკოლის დირექტორი გვანცა გოგოლაძე ამბობს, რომ ყველა საჯარო სკოლას დაეგზავნა წერილი, პროექტის „სკოლის თვითშეფასება განვითარებისთვის“ ფარგლებში, თანამშრომლობის შეთავაზებით. „გასაუბრების შემდეგ მოვხვდი პროექტის საბჭოს შემადგენლობაში. ეს იყო ერთ-ერთი ყველაზე განსხვავებული ტიპის გასაუბრება, რაც კი ოდესმე გამივლია, 3-ეტაპიანი და როგორც ინდივიდუალური, ისე ჯგუფური გასაუბრების ელემენტებით დატვირთული. პროექტი ითვალისწინებდა სხვადასხვა ტიპის სკოლების შერჩევას (დედაქალაქის, ქალაქის, სოფლის, ეთნიკური უმცირესობებით დაკომპლექტებულის და ა.შ.), რათა ადგილობრივი და უცხოელი კონსულტანტების დახმარებით, სკოლის განვითარებისათვის შემუშავებული შეფასების სისტემების სხვადასხვა მოდელის განზოგადება სკოლების მაქსიმალურად ფართო სპექტრზე მომხდარიყო“ – გვიამბობს გვანცა გოგოლაძე.

სკოლის დირექტორი, რომელიც პროექტში ქალაქის მცირეკონტინგენტური საჯარო სკოლის სტატუსით ჩაერთო, ამბობს, რომ პროექტის ფარგლებში, ძალიან მნიშვნელოვანი შესაბამისი სასწავლო ღონისძიებები გაიარეს: ტრენინგები, კოლეგების გამოცდილების გაზიარება, სასწავლო ტურები ევროპის წამყვან ქვეყნებში და სწორედ მიღებული ცოდნის საფუძველზე და, რა თქმა უნდა, კოლექტივთან შეთანხმებით შეარჩიეს საკვლევი მიმართულება – საწყის ეტაპზე ფოკუსირება STEM საგნებზე. „ამჟამად კვლევას აღნიშნული მიმართულებით ვახორციელებთ და, სასწავლო წლის ბოლოსთვის, ვგეგმავთ ე.წ. შეფასების სისტემის საბოლოო მოდელის შემუშავებას, რომელიც ჩვენი სკოლის შემთხვევაში, ჯერ მხოლოდ კონკრეტულ საგნებში (მათემატიკა, ფიზიკა, ქიმია, ბიოლოგია, ინგლისური) და კონკრეტულ კლასებში (VII, VIII, IX, X, XI), განმსაზღვრელი შეფასების კომპონენტების შიდა და გარე თავსებადობაზე“ იქნება მიმართული. საწყის ეტაპზე, სკოლისთვის ყველაზე აქტუალურ, თვალსაჩინო და პრობლემურ საკითხზე შევჯერდით, თუმცა, მომავალი სასწავლო წლიდან, ვფიქრობთ, მეტი გამოცდილება გვექნება სკოლის საჭიროებების უფრო ფართო სპექტრზე მორგებული შეფასების მოდელზე სამუშაოდ. მნიშვნელოვანია, რომ მოდელის პილოტირებისა და დანერგვის პროცესში პროექტის საბჭოს წევრები, რეგულარული შეხვედრებისას, განვიხილავთ მათ, ვაფასებთ და, საჭიროების შემთხვევაში, შეგვაქვს ცვლილებები. მიმდინარე წლის თებერვალ-მარტში ველოდებით უცხოელი კონსულტანტების ვიზიტებს სკოლებში, ადგილზე კომპეტენტური რჩევებისა და კონკრეტული რეკომენდაციების მისაღებად, – ამბობს გვანცა გოგოლაძე.

რაც შეეხება სასწავლო ტურს, რომელიც დანიის საგანმანათლებლო სისტემის გაცნობას ემსახურებოდა, ვალეს №2 საჯარო სკოლის დირექტორი ამ შესაძლებლობისთვის დიდ მადლობას უხდის შეფასებისა და გამოცდების ეროვნული ცენტრს, „ათასწლეულის გამოწვევის ფონდი საქართველოს“ და ათასწლეულის გამოწვევის კორპორაციას. ამბობს, რომ: „მარტივად და ამავედროულად ეფექტურად გარე და შიდა შეფასების სასკოლო სისტემამ ტურის ყველა მონაწილე მოგვხიბლა ანგარიშვალდებულებაზე დაფუძნებული გამართული საგანმანათლებლო სისტემით, რომელიც პასუხისმგებელია ქვეყანაში განათლებული და დამოუკიდებელი პიროვნების ღირსეულ აღზრდაზე. სკოლები, სადაც, მოსწავლეების შესაძლებლობებიდან და ინტერესებიდან/სურვილებიდან გამომდინარე, დიფერენცირებული სწავლება მიმდინარეობს და მერვე კლასამდე მიმდინარე შეფასება არ არსებობს. ხოლო სკოლები, სადაც მეცხრი კლასის შედეგები განსაზღვრავს მოსწავლის პროფესიული თუ უმაღლესი განათლების მიმართულებით სწავლის გაგრძელების შესაძლებლობას, მთლიანად ცენტრალიზებული საგამოცდო სისტემით ფასდება. სკოლით კმაყოფილებაც კი მასწავლებლებში, მოსწავლეებსა და მშობლებში ცენტრალიზებული გზით მომზადებული და მონოდეტული კითხვარებით იზომება. ქვეყნის თითოეული საჯარო სკოლა, აღნიშნული ინსტრუმენტების გამოყენებით, მუდმივად ფლობს ობიექტურ ინფორმაციას სკოლაში მიმდინარე საგანმანათლებლო თუ სა-აღმზრდელო საქმიანობის ეფექტურობის შესახებ და, საჭიროების შემთხვევაშიც (პრობლემის გამოვლენა), ასევე მუნიციპალური დონეზე, გარე კონსულტანტების დახმარებით, გეგმავს და ახორციელებს ინტერვენციებს.“

10 იანვრის შემჯავამებელ შეხვედრაზე სამი სხვადასხვა ქვეყნის სასკოლო ტურის მონაწილეებმა გერმანიის, ჰოლანდიისა და დანიის საგანმანათლებლო სკოლების გარე და შიდა შეფასების სისტემების შესახებ ინფორმაცია გაუზიარეს ერთმანეთს და იმ სტრუქტურებს, რომლებიც უშუალო კავშირში არიან ქართულ რეალობაში სკოლების გამართულ ფუნქციონირებასთან. პროექტის მონაწილე სკოლის დირექტორების პრეზენტაციებში, საკუთარ სკოლებში მიმდინარე თვითშეფასების საბოლოო ვერსიების შესახებ, ერთმნიშვნელოვნად გამოიკვეთა ის ძირითადი გამოწვევები და რისკები, რომლებსაც სკოლები სისტემის დანერგვის პროცესში ხვდებიან. „სკოლებს გეჭირდება სტრუქტურულად გამართული და ვალიდური ინსტრუმენტები კვლევებში გამოსაყენებლად (სასურველია ცენტრალიზებული გზით მომზადებული/მონოდეტული), კომპეტენტური საკონსულტაციო ჯგუფი, საწყის ეტაპზე მაინც, სწორი მიმართულებებისა და ინტერვენციების დასაგეგმად და, რაც მთავარია, სასკოლო კულტურა და მზაობა ობიექტური თვითშეფასების განსახორციელებლად, კომპეტენტია და შიდა და გარე მოტივაცია ამ ყველაფრის გასაკეთებლად.“ – ამბობს გვანცა გოგოლაძე.

ახალი ახვაზი

სათავგადასავლო ტურიზმის სკოლა

გუდაურში სათავგადასავლო ტურიზმის სკოლის საწვრთნელი ცენტრი ოფიციალურად გაიხსნა.

სათავგადასავლო ტურიზმის სკოლაში დაინერგა ახალი პროფესიული და სასერტიფიკატო პროგრამები, რომლებიც შემუშავებულია, შეიცარიელ და გერმანულ ექსპერტებთან თანამშრომლობით და შეესაბამება საერთაშორისო სტანდარტებს.

სათავგადასავლო ტურიზმის სკოლა საქართველოს განათლებისა და მეცნიერების სამინისტროს, ეკონომიკისა და მდგრადი განვითარების სამინისტროს და მთის კურორტების განვითარების კომპანიის ერთობლივი პროექტია. სკოლაში ახალი პროგრამების შესამუშავებლად ნახევარ მილიონ დოლარზე მეტი დაფინანსება აშშ-ის მთავრობის ათასწლეულის გამოწვევის კორპორაციის საგრანტო პროგრამის ფარგლებში მიიღო.

მაგდა მალრაძე, ათასწლეულის გამოწვევის ფონდის აღმასრულებელი დირექტორი: „სათავგადასავლო ტურიზმის სკოლაში დაინერგა ახალი პროფესიული პროგრამები – საფეხმავლო და სამთო გამყოლი და ასევე სასერტიფიკატო პროგრამები, როგორცაა თხილამურების ინსტრუქტორი. ყველა პროგრამა შეიქმნა საერთაშორისო პარტნიორებთან თანამშრომლობით. ბოლო ერთი წლის განმავლობაში აქტიურად მიდიოდა მუშაობა შევიცარიელ და გერმანულ ექსპერტებთან, რათა ახალი პროგრამები საერთაშორისო სტანდარტების და მოთხოვნების შესაბამისი ყოფილიყო.“

საწვრთნელი ბაზის გახსნას დაესწრნენ საქართველოს ვიცე-პრემიერი, ეკონომიკის მინისტრი დიმიტრი ქუმსიშვილი, საქართველოს ეროვნული უშიშროების საბჭოს მდივანი, საქართველოს სამთო გამყოლითა ასოციაციის პრეზიდენტი დავით რაჭვიაშვილი, განათლების მინისტრის პირველი მოადგილე ქეთევან ნატრიაშვილი, მთის კურორტების განვითარების კომპანიის დირექტორი სანდრო ონოფრიშვილი, სათავგადასავლო ტურიზმის სკოლის კონსორციუმის პარტნიორები და სტუდენტები.

სტუმრებმა დაათვალიერეს სკოლის შენობა, რომელიც მსგავს სასწავლებლებს შორის მსოფლიოში ყველაზე მაღალ ნიშნულზე – 2800 მეტრ სიმაღლეზე მდებარეობს.

გუდაურის სასწავლო ბაზაზე სტუდენტები, პრაქტიკული სწავლების დროს, შეძლებენ ცხოვრებას და თეორიული

სწავლების გავლას. სასწავლო ბაზა, ერთდროულად, 30 სტუდენტის მიღებას შეძლებს. სკოლაში უკვე სწავლობენ სტუდენტები როგორც თბილისიდან, ისე საქართველოს მაღალმთიანი რეგიონებიდან.

„2800 მეტრის სიმაღლეზე ოფიციალურად გაიხსნა სათავგადასავლო ტურიზმის სკოლა. ძალიან მნიშვნელოვანია მისი გახსნა, რადგან ამ სკოლაში სწორედ იმ პროფესიის ადამიანები მომზადდებიან, რომელთა დასაქმებაც პრაქტიკულად ვერაირი არ არსებობდა და ვინც ჩვენს ქვეყანას ტურიზმის განვითარების მიმართულებით ძალიან სჭირდება“, – განაცხადა პირველმა ვიცე-პრემიერმა, ეკონომიკისა და მდგრადი განვითარების მინისტრმა დიმიტრი ქუმსიშვილმა გუდაურში, სათავგადასავლო ტურიზმის სკოლის ოფიციალურ გახსნაზე.

ქეთევან ნატრიაშვილი, განათლებისა და მეცნიერების მინისტრის პირველი მოადგილე: „საჯარო და კერძო სექტორების პარტნიორობით, დაფუძნებულია სათავგადასავლო ტურიზმის სკოლა, რომელიც, საერთაშორისო სტანდარტების შესაფერისად, დაინტერესებულ პირებს სთავაზობს თანამედროვე პროფესიებს ამ მიმართულებით. ეს უახლესი პროგრამები შემუშავებულია ათასწლეულის გამოწვევის კორპორაციის მხარდაჭერით. მნიშვნელოვანია, რომ ეს ბაზა შეძლებს უმასპინძლოს სტუდენტებს სხვადასხვა რეგიონებიდან. რაც შეეხება სასწავლო პრაქტიკას, მიმდინარეობს არა მხოლოდ გუდაურში, არამედ სხვა სამთო კურორტებზეც.“

სათავგადასავლო ტურიზმის სკოლის აკადემიური ხელმძღვანელი არჩილ ცინცაძე ამბობს, რომ პირველ რიგში, რა თქმა უნდა, ყურადღება მიექცევა სტუმრების უსაფრთხოებაზე. „სკოლის გახსნა ხელს შეუწყობს ადგილობრივი მოსახლეობის დასაქმებას, სწავლას. ეს ეხება როგორც სვანეთის, ასევე ხევსურეთის და მთელი საქართველოს მთიან რეგიონებს.“

სათავგადასავლო ტურიზმის სკოლა მიზნად ისახავს სათავგადასავლო ტურიზმის სფეროში და სხვა მასთან დაკავშირებული მაღალი რისკის აქტივობებში ჩართული კადრების (საფეხმავლო, ალპური, სათხილამურო და სამთო გამყოლების), სამთო სპორტის სახეობებისა და სათავგადასავლო აქტივობების ინსტრუქტორების) პროფესიულ მომზადებას, ისეთი სისტემის შექმნას, რომელიც გაზრდის საქართველოში უსაფრთხოებას.

კონკურსი უფროსკლასელთათვის

კულტურული მემკვიდრეობის დაცვის ეროვნული სააგენტო და საქართველოს ტრადიციული რეწვის ასოციაცია, საქართველოს კულტურისა და ძეგლთა დაცვის, საქართველოს განათლებისა და მეცნიერების, საქართველოს საბარეო საქმეთა სამინისტროების, ბაზეთის „ახალი განათლება“ და სხვა პარტნიორი ორგანიზაციების მხარდაჭერით, აცხადებს კონკურსს თემაზე:

„ტრადიციული სათავაშობი“

კონკურსის მიზანია:

- გამოავლინოს დღემდე, უზუცესების მეხსიერებაში შემონახული სხვადასხვა კუთხის ხელნაკეთი სათამაშოების დამზადების ტექნოლოგია;
- გაზარდოს საზოგადოების, განსაკუთრებით ახალგაზრდების ინტერესი მათი კუთხის არამატერიალური მემკვიდრეობის მიმართ;
- შექმნას განსხვავებული, შემოქმედებითი პლატფორმა სხვადასხვა ქვეყნების მოზარდების დამეგობრებისათვის;
- გაუღვივოს ახალგაზრდა თაობას ინტერესი წინაპრების კულტურისა და შემოქმედებისადმი;
- დაეხმაროს ახალგაზრდებს სხვა კულტურების გაცნობაში და ჩამოუყალიბოს მათდამი პატივისცემის გრძნობა.

კონკურსი მომართულია ორ ტურად:

პირველი ტური გულისხმობს სკოლაში, მოსწავლეთა ნამუშევრების პირველად სელექციას, რომელიც სკოლის ადმინისტრაციის მიერ, საკონკურსო პირობების ყველა ნორმის დაცვით იქნება შერჩეული და გადმოგზავნილი მითითებულ ელმისამართზე (იხ. საკონკურსო ნიმუშის ნარდგენის ფორმა). საჭიროების შემთხვევაში, სკოლის ხელმძღვანელობამ თავად უნდა გაუწიოს მოსწავლეს ტექნიკური დახმარება.

მითითებული ნაშრომი უნდა მოიცავდეს:

1. ვორდის ფაილში დაწერილ სათამაშოს დამზადების აღწერილობას;
2. მოსწავლეთა მიერ მოთხრობილი ამბის მიხედვით შესრულებულ (დახატული, გამოძერწილი, კონსტრუირებული და სხვ.) ილუსტრაციებს და მათ, მაღალი ხარისხით გადაღებულ, ფოტოებს (რადგან შეზღუდული არ არის). ფოტოები უნდა გადმოგზავნოს ვორდის ფაილში შესრულებულ ნაწარმთან ერთად jpg ფორმატში;
3. ელემენტზე მუშაობის ამსახველ ფოტომასალას (გადმოგზავნილი ასევე jpg ფორმატით);
4. ვორდის ფაილში დაწერილი ნაშრომი გაფორმებული უნდა იყოს მონაწილის მიერ შესრულებული ილუსტრაციების ფოტოებით, რათა ნამუშევრების გადარჩევისას კომისიის წევრებს გაუადვილდეთ მათი შეფასება. სასურველია, ნიმუში ჩაინერგოს თქვენი რეგიონის (სოფლის, ქალაქის, ქუჩის, უბნის, ოჯახის, და ა.შ.) მკვიდრი მოსახლისაგან. კონკურსის პირველი ტურის შედეგად შერჩეული საუკეთესო ერთი ან რამდენიმე ნიმუში სკოლაში უნდა გადმოგზავნოს;

- კულტურული მემკვიდრეობის დაცვის ეროვნულ სააგენტოში ელფოსტაზე aramaterialuri@yahoo.com
 - ან, მოგვანოდოს ფოსტით „საქართველოს კულტურული მემკვიდრეობის დაცვის ეროვნული სააგენტო“, მისამართზე: თბილისი, 0105, თაბუკაშვილის ქ. 5.
- მეორე ტური** გადასული მოსწავლეთა, კონკურსის ორგანიზატორების ინფორმაციის გათვალისწინებით, გადმოგზავნიან დამატებით ინფორმაციას (ვორდი, ფოტო, ვიდეო ან აუდიო). გამარჯვებული ნიმუშების მიხედვით შედგება ილუსტრირებული კრებული, რომელიც გამოიცემა კულტურული მემკვიდრეობის დაცვის ეროვნული სააგენტოს მიერ და სარეკლამო გზად გადმოიცემა ავტორებსა და კონკურსში მონაწილე სკოლებს, ასევე სხვა დაინტერესებულ ორგანიზაციებს. გამარჯვებული ავტორი (სკოლა, მასწავლებელი, მოსწავლე), საქართველოს კულტურული მემკვიდრეობის დაცვის ეროვნული სააგენტოს მიერ დაჯილდოვდება საგანგებო სიგელით და მიიღებს „არამატერიალური კულტურული მემკვიდრეობის ქომაგი“-ს ნიშნებს. ნამუშევრები აგრეთვე გამოქვეყნდება გაზეთ „ახალ განათლებაში“ და გაშუქდება მედიაში.

საკონკურსო ნიმუშის წარდგენის ფორმა:

1. არამატერიალური კულტურული მემკვიდრეობის ნიმუში – დასახელება;
 2. ნამუშევრის ავტორი მოსწავლის/მოსწავლეთა – სახელი, გვარი;
 3. ხელმძღვანელი პედაგოგი – სახელი, გვარი, საკონტაქტო ინფორმაცია (ტელ., ელმისამართი);
 4. სახელმწიფო, ქალაქი (რაიონი, სოფელი), სკოლის სრული დასახელება;
 5. სკოლის დირექტორი – სახელი, გვარი, საკონტაქტო ინფორმაცია (ტელ., ელმისამართი);
 6. არამატერიალური კულტურული მემკვიდრეობის ნიმუშის სხვა დასახელება (რამდენიმე დასახელების შემთხვევაში, მითითებულ ყველა სათაური და დაურთეთ კომენტარი).
- 7. ნიმუშის აღწერა**
აღწერისათვის უპასუხეთ შემდეგ კითხვებს:
• რას წარმოადგენს თქვენ მიერ შერჩეული არამატერიალური კულტურული მემკვიდრეობის ნიმუში – მოკლე განმარტება ნიმუშის შესახებ;
• ნიმუშის სახელწოდება (აგრეთვე, მიუთითეთ თუ არის ცნობილი თქვენ მიერ აღწერილი ნიმუშის განსხვავებული, სხვა სახელწოდება);



- სად, როდის, რისთვის და ვის მიერ იქნა მოთხრობილი და ჩანერილი ეს ნიმუში და ვისგან ინსპირაციის მიღება?
- რას უკავშირდებოდა აღნიშნული სათამაშოს გამოყენება, ტრადიციულად რა დროს, რა შემთხვევაში თამაშობდნენ წარმოდგენილი ნიმუშით (აღწერეთ გარემოება და თამაშის პროცესი (თუ ეს შესაძლებელია);
- აღწერეთ თავად ნიმუშის დამზადების პროცესი (მასალა და ტექნოლოგია);
- რა ატრიბუტები/იარაღები უკავშირდება/ახლავს თან მის დამზადებას/გამოყენებას (ასეთის არსებობის შემთხვევაში დააფიქსირეთ ფოტოზე);
- სხვა პირობები, რომელიც აუცილებელია აღნიშნული ნიმუშის დამზადების დროს;
- რა როლი ენიჭება თქვენ მიერ შერჩეულ ნიმუშს საზოგადოების კულტურულ, რელიგიურ ან ყოველდღიურ ცხოვრებაში. დასაბუთეთ შემოთავაზებული ნიმუშის მნიშვნელობა (უნიკალობა ან ორიგინალობა) პირადად თქვენთვის (რეგიონისთვის, სოფლისთვის, ოჯახისთვის, სკოლისთვის...), საზოგადოებისათვის. სპეციფიკის გათვალისწინებით, წარმოდგენილ ნაშრომს უნდა ახლდეს შესაბამისი თვალსაჩინო მასალა: ფოტო, ვიდეო/აუდიო (შესაძლებლობის შემთხვევაში), ასევე ჩანახატი, ჩანახაზი, შაბლონი, სქემა, ესკიზი და სხვა თვალსაჩინო მასალა.

მოსწავლეთა განაცხადები შეფასდება შემდეგი კრიტერიუმებით:

- ნამუშევრის აღწერილობითი ნაწილი – 10 ქულა;
- ნაკეთობის ტრადიციულობა – 10 ქულა;
- ნაკეთობის ესთეტიკური მხარე – 10 ქულა.

კონკურსის გამარჯვებულებისთვის გამოყოფილია შემდეგი ადგილები:

- ერთი პირველი ადგილი;
 - მეორე ადგილს გაიყოფს ორი მონაწილე;
 - მესამე ადგილს გაიყოფს სამი მონაწილე.
- შეფასება მოხდება ქულათა დაჯამების პრინციპით. ნამუშევრებს, სპეციალისტებთან ერთად, განიხილავენ არამატერიალური კულტურული მემკვიდრეობის ექსპერტები.

გადმომგზავნის ვადა 2018 წლის 20 მარტი

გვეკონტაქტეთ: სამუშაო დღეებში მარინა თაქთაქიშვილი 599 08 40 03; aramaterialuri@yahoo.com

რეფორმირებული სისტემის მთავარი ორიენტირები

2009 წელს საქართველოს მთავრობამ დაიწყო არასრულწლოვანთა მართლმსაჯულების სისტემის რეფორმა, რომელიც გაეროს ბავშვთა ფონდისა და ევროკავშირის მხარდაჭერით ხორციელდება. რეფორმა, საწყის ეტაპზე, კანონთან კონფლიქტში მყოფ ბავშვებთან დაკავშირებულ საკითხებს მოიცავდა, 2014 წლიდან კი გაფართოვდა და მოიცავდა დანაშაულის შედეგად დაზარალებული და მოწმე ბავშვები, ასევე ბავშვები, რომლებიც მონაწილეობენ ოჯახურ ან სხვა სამოქალაქო დავებში, ან უნებართვით სხვა სახელმწიფო ორგანოებთან საპროცესო უფლებების დასაცავად.

განრიღების და მედიაციის პროგრამის დანერგვა რეფორმის ერთ-ერთი ნაბიჯი იყო. მიზანმიმართულად განრიღების და მედიაციის პროგრამა და რეგორია დღეს კანონთან კონფლიქტში მყოფი ბავშვების მიმართ სახელმწიფოს დამოკიდებულება? – თუკი ოფიციალურ მონაცემებს შევხდებით, სტატისტიკა ასეთია: განმეორებით დანაშაულს ასეულოვით საქმიდან განრიღებული ბავშვების მხოლოდ 9% სჩადის. დღეისათვის არასრულწლოვანთა სისხლის სამართლებრივი დევნის მაჩვენებელი მკვეთრად შემცირებულია. მათ მიმართ განრიღების მექანიზმის გამოყენებამ, 2017 წლის 9 თვეში, 64% შეადგინა, 2016 წელს – 69% იყო, ხოლო 2015 წელს კი – 44%. 2017 წლის 6 თვეში მედიაციის 143 კონფერენცია გაიმართა, 2016 წელს ეს მონაცემი 222-ს შეადგენდა, 2015 წელს – 114-ს, 2014 წელს – 28-ს.

არასრულწლოვანთა მართლმსაჯულების კოდექსის ამოქმედების შემდეგ, განრიღები-

სა და მედიაციის პროგრამა გავრცელდა, ასევე, 18-დან 21 წლამდე ახალგაზრდებზეც – 2016 წელს ამ ასაკის 322 პირს მიეცა განრიღების პროგრამაში ჩართვის საშუალება, ხოლო 2017 წლის 6 თვეში, განრიღების პროგრამაში, 18-იდან 21 წლამდე ასაკის 247 ახალგაზრდა ჩაერთო. შესაძლებელი გახდა სასამართლოს მიერ განრიღებაც. შედეგად, 2016 წელს, სასამართლოდან 38 საქმე დაბრუნდა, ხოლო 2017 წლის 6 თვეში – 11 საქმე.

იუსტიციის მინისტრი თაა წულუკიანი დადებითად აფასებს რეფორმის მიმდინარეობას და აცხადებს, რომ არასრულწლოვანთა კოდექსის წყალობით, ბავშვებს შორის კრიმინალი, რეალურად, შემცირებულია. „პროკურორები, მედიატორები, დანაშაულის პრევენციის ცენტრი, ციხეში მომუშავე სოციალური მუშაკები, მოსამართლეები, პოლიციელები – ყველანი ხელაჭრილები მუშაობენ იმისათვის, რომ, რომდესაც ბავშვს ფეხი ნაუცდება, ჩაიდინს შეცდომას (რომელსაც სხვა მხრივ დანაშაული ჰქვია), ასეთი, პირველად სამართალში მყოფი, ბავშვის წინააღმდეგ სახელმწიფო სისტემა რეპრესიას კი არ ახორციელებს, არამედ განრიღებას. ბავშვი განრიღებულია სისხლის სამართლის პასუხისმგებლობისგან. იწყება მედიაციის პროცესი, კერძოდ, ბავშვის შეხვედრა დაზარალებულთან, პერიკა და იმის გაანალიზება, რომ დანაშაულის ჩადენა ცუდია. ძალიან კარგი შედეგები გვაქვს: ასეულოვით საქმიდან განრიღებულ ბავშვთა მხოლოდ 9%-მა ჩაიდინა კვლავ დანაშაული. ეს ძალიან დაბალი მაჩვენებელია და მიხარია, რომ ჩვენი ბავშვები მალევე



ადგილიან სწორ გზას და აღარ ფიქრობენ კრიმინალზე. კრიმინალი, რეალურად, ამ კოდექსის წყალობით, ბავშვებს შორის, შემცირებულია“ – ამბობს იუსტიციის მინისტრი.

რეფორმის ფარგლებში და რა არის არასრულწლოვანთა მართლმსაჯულების მთავარი მიზანი, ამის შესახებ გვესაუბრება გაეროს ბავშვთა ფონდის ბავშვთა დაცვის პროგრამის (არასრულწლოვანთა მართლმსაჯულება) ხელმძღვანელი თეონა კუჭავა.

– რა არის არასრულწლოვანთა მართლმსაჯულების რეფორმირებული სისტემის მთავარი მიზანი და საიდან დაიწყო რეფორმა?

– 2008 წელს ბავშვის უფლებათა კომიტეტმა შემაჯამებელი დასკვნებში, რომელიც საქართველოს მიერ წარდგენილი, კონვენციის შესრულებასთან დაკავშირებული, ანგარიშის მიხედვით მოამზადა, მოუწოდა სახელმწიფოს, დაეწყო არასრულწლოვანთა მართლმსაჯულების სისტემის რეფორმა, რადგან ის, ფაქტობრივად, ამ სისტემასთან მიმართებაში არსებულ ვერც ერთ კრიტერიუმს ვერ აკმაყოფილებდა. სწორედ ამის შემდეგ დაიწყო იუნისეფმა, პარტნიორებთან ერთად, არასრულწლოვანთა მართლმსაჯულების სისტემის რეფორმაზე მუშაობა. 2009 წლიდან მოყოლებული, რეფორმა რამდენიმე მიმართულებას მოიცავს: კანონმდებლობის დახვეწა; დასაშაულის/სამართალდარღვევის პრევენცია; სისხლისსამართლებრივი დევნის ალტერნატიული ზომების განვითარება; პატიმრობის გამოყენება მხოლოდ უკიდურეს შემთხვევაში; კანონთან კონფლიქტში მყოფ არასრულწლოვანთა რეაბილიტაცია და რესოციალიზაცია; პროფესიონალთა შერჩევის კრიტერიუმების ჩამოყალიბება, მათი სპეციალიზაცია და სპეციალიზებულ პირთა კვალიფიკაციის განგრძობა და ამაღლება; სტატისტიკური/საინფორმაციო სისტემის განვითარება; საზოგადოების ცნობიერების ამაღლება; ბავშვზე მორგებული გარემოს შექმნა. ამ მიმართულებებზე დღესაც მიმდინარეობს მუშაობა.

გაეროს ბავშვის უფლებათა კომიტეტი, რომელიც ბავშვის უფლებათა კონვენციის მონიტორინგის ორგანოა, მიუთითებს – რადგან ბავშვები უფროსებისაგან განსხვავდებიან განვითარების დონით, საგანმანათლებლო თუ სხვა საჭიროებებით, ამიტომ მათთვის უნდა არსებობდეს განსხვავებული მიდგომები, რითაც იხელმძღვანელებენ მართლმსაჯულების სისტემაში. განსხვავებული მიდგომები, თავისთავად, მოითხოვს ქვეყანაში განსხვავებული კანონმდებლობის, სპეციალიზებული სისტემის და სხვადასხვა მექანიზმების არსებობას, რომელიც ხელს შეუწყობს კანონთან კონფლიქტში მყოფი არასრულწლოვნების რეაბილიტაციას და განმეორებითი დანაშაულის შემცირებას. ზოგადად, უნდა ითქვას, რომ დადგენილი წესებიდან გადხდნის ქვეყა ზრდა-განვითარების პროცესის ნაწილია და სრულწლოვანების ასაკის მიღწევისთანავე უჩინარდება. რაც მთავარია, თუ სახელმწიფოს მხრიდან სწორი ჩარე-

ვა ხორციელდება, მაშინ კანონსაწინააღმდეგო ქცევაც საერთოდ ქრება.

რაც შეეხება არასრულწლოვანთა მართლმსაჯულებას, ეს არის სისტემა, რომელიც აერთიანებს კანონთან კონფლიქტში მყოფ ბავშვებთან დაკავშირებულ საკითხებს, ზოგ შემთხვევაში, მონშეთა და დაზარალებულ ბავშვებთან დაკავშირებულ საკითხებსაც. ეს, ძირითადად, სისხლის სამართლის სფეროა, თუმცა არსებობს უფრო ფართო ცნება, როგორცაა ბავშვზე მორგებული მართლმსაჯულება, რომელიც სხვა მიმართულებებსაც მოიცავს, მაგალითად, სამოქალაქო და ადმინისტრაციულ წარმოებას.

არასრულწლოვანთა მართლმსაჯულების მიზანი უნდა იყოს არასრულწლოვნის რეაბილიტაცია, იმის ხელშეწყობა, რომ მან გააცნობიეროს ჩადენილი ქმედების ხასიათი – რატომ იყო ეს ქმედება ცუდი და რა ზიანი მიაყენა დაზარალებულს, საზოგადოებას, მის გვერდით მყოფ ადამიანებს. სისტემა უნდა დაეხმაროს მას, საკუთარი ძალებით გამოასწოროს მიყენებული ზიანი, ამაშია მართლმსაჯულების მთელი არსი. ამ შემთხვევაში, უდიდესი როლი აკისრია ადვოკატი მართლმსაჯულებას, რომელიც სწორედ იმაზეა მიმართული, რომ დაზარალებულსა და დამზარალებელს შორის წარმართოს დიალოგი, აღადგინოს მათ შორის პირვანდელი მდგომარეობა ან გამოასწოროს ზიანი, რაც დაზარალებულს მხარეს მიადგა.

ბავშვის უფლებათა კონვენციაც სწორედ ამ მიზანს აკისრებს არასრულწლოვანთა მართლმსაჯულებას – გაუღვივოს ბავშვს საკუთარი ღირსების გრძობა, ასწავლოს სხვისი უფლებების პატივისცემა და დაეხმაროს მას, რომ საზოგადოებაში დადებითი როლი შეასრულოს. მსგავსი მიდგომა სასიკეთოა არა მხოლოდ იმ მოზარდისთვის, ვინც მართლმსაჯულების სისტემაში ხვდება, არამედ საზოგადოებისთვის, მისი უსაფრთხოებისთვისაც, რადგანაც სწორედ ასეთი მიდგომა ამცირებს განმეორებითი დანაშაულის ჩადენის რისკებს. კვლევებით დამტკიცებულია და საერთაშორისო პრაქტიკაც აჩვენებს (მათ შორის, საქართველოში არსებული პრაქტიკაც), რომ ადვოკატი მართლმსაჯულება, და არა კლასიკური სადამსჯელო-რეპრესიული მიდგომით წარმართული მართლმსაჯულება, გაცილებით ეფექტურია და ბევრად დაბალია განმეორებითი დანაშაულის დონე ძველ, ტრადიციულ სისტემებთან შედარებით. არასრულწლოვნის სამომავლო პერსპექტივებს თუ გავითვალისწინებთ,

რა თქმა უნდა, ამ შემთხვევაში, ჩვენ ვიღებთ ახალგაზრდას, რომელიც ზრდასრულობის დროს საზოგადოების სრულფასოვანი წევრი ხდება და არა აქვს სტიგმა.

– რას ნიშნავს ბავშვზე მორგებული მართლმსაჯულება და რა არის ამ სისტემის მთავარი ელემენტები?

– ბავშვზე მორგებული მართლმსაჯულება ნიშნავს სისტემას, რომელიც ხელმისაწვდომია, ასაკთან შესაბამისი, სწრაფი, თანმიმდევრული, ბავშვის უფლებებსა და საჭიროებებზე მორგებული. ასეთი სისტემა უზრუნველყოფს ბავშვის უფლებების დაცვას სამართლიან სასამართლო პროცესში მისი მონაწილეობის და ინფორმირების, პირადი და ოჯახური ცხოვრების, პატივისა და ღირსების პატივისცემის გზით.

ბავშვზე მორგებული მართლმსაჯულების სისტემა აუცილებლად უნდა მოიცავდეს: **კანონმდებლობას**, რომელიც ითვალისწინებს ბავშვებთან დაკავშირებულ საკითხებს და იძლევა მათი უფლებების დაცვის სამართლებრივ გარანტიას; **ბავშვზე მორგებულ გარემოს** მართლმსაჯულების სისტემის ყველა რგოლში. მართლმსაჯულების პროცესის ყველა ეტაპზე ბავშვი თავს დაცულად უნდა გრძობდეს, მისი გამოკითხვა უნდა მიმდინარეობდეს მისთვის ნაკლებად ტრავმირებად გარემოში – მაგალითად, ხალხმრავალი ოთახის ნაცვლად, პროფესიონალის მიერ სპეციალურად მომზადებულ, განმარტოებით, მშვიდ გარემოში. გარემო ხელს უნდა უწყობდეს ბავშვის სრულფასოვან მონაწილეობას პროცესში; **სპეციალიზებულ პროფესიონალებს** მართლმსაჯულების სისტემის ყველა რგოლში. პოლიციელი, ადვოკატი, მოსამართლე, პროკურორი, სოციალური მუშაკი, მედიკოსი და მართლმსაჯულების სისტემაში ჩართული ყველა პროფესიონალი სპეციალურად გადამზადებული უნდა იყოს ბავშვთა უფლებების, ბავშვთან კომუნიკაციის, ბავშვთა განვითარების საკითხებში. ეს სპეციალიზებული პროფესიონალები სხვადასხვა უწყებიდან, გუნდურად და ბავშვზე მორგებული მეთოდებით უნდა მუშაობდნენ, მართლმსაჯულების ყველა ეტაპზე, ბავშვის საუკეთესო ინტერესების გათვალისწინებით.

– როგორია მართლმსაჯულების სისტემაში არასრულწლოვნების მხედვრის ასაკობრივი ზღვარი?

– სხვადასხვა ქვეყანაში ასაკობრივი ზღვარი სხვადასხვაა. არის ქვეყნები, სადაც

უფრო დაბალია სისხლის სამართლის პასუხისმგებლობის მინიმალური ასაკი, მაგალითად, კომიტეტის მიხედვით, ყველაზე მინიმალური ასაკად 12 წელი ითვლება. თუმცა, არსებობს ამაზე უფრო უფრო დაბალი პასუხისმგებლობის ასაკიც. არის, ასევე, უფრო მაღალი პასუხისმგებლობის ასაკი – 15-16 წელი. ჩვენს ქვეყანაში ეს ასაკი 14 წლით განისაზღვრება და სისხლის სამართლის პასუხისმგებლობა 14 წლიდან იწყება. შესაბამისად, როდესაც არასრულწლოვანთა მართლმსაჯულებაზე და კანონთან კონფლიქტში მყოფ არასრულწლოვნებზე ვსაუბრობთ, ამ შემთხვევაში, 14-დან 18 წლამდე მოზარდებს ვგულისხმობთ. თუმცა, ჩვენი კოდექსის მიხედვით, რაც შემთხვევებში, კოდექსის ნორმები 18-დან 21 წლამდე ასაკზეც ვრცელდება.

ჩვენი კოდექსი ადმინისტრაციულ სამართალდარღვევების საკითხებსაც მოიცავს და ადმინისტრაციული პასუხისმგებლობა 16 წლის ასაკიდან იწყება, ხოლო როცა დაზარალებულსა და მოწმეებზე ვსაუბრობთ, ნებისმიერი ასაკის ადამიანი მოიაზრება. რაც უფრო დაბალია ასაკი, მით უფრო სპეციფიკური მიდგომები საჭირო. სწორედ ამიტომაც, საერთაშორისო სტანდარტები და პრინციპები კიდევ ერთხელ უსვამს ხაზს იმას, რომ ბავშვებთან მიმართებაში განსაკუთრებული მიდგომები უნდა არსებობდეს.

– რეფორმის ხელშესახებ შედეგებად რას მიიჩნევთ?

– ერთ-ერთ ყველაზე ხელშესახებ შედეგად შეიძლება ჩაითვალოს არასრულწლოვანთა მართლმსაჯულების კოდექსი, რომელიც 2015 წელს იქნა მიღებული და წინსაძინოდ ინტენსიური სამუშაო უძღოდა. ამ პროცესებში ჩართული იყო მრავალი უწყება, პროფესიონალები, ექსპერტები, სამთავრობო თუ არასამთავრობო ორგანიზაციების წარმომადგენლები. მანამდე კანონმდებლობაში არასრულწლოვანებთან დაკავშირებული მუხლები გაბნეულად არსებობდა. შინაარსობრივი თვალსაზრისითაც, რა თქმა უნდა, არ იყო ძლიერი და ვერ ამკვიდრებდა იმ პრინციპებს, რასაც კოდექსი უნდა ამკვიდრებდეს. აქედან გამომდინარე, იუნისეფმა, 2013 წელს, ჩაატარა კვლევა, რომელმაც დაადასტურა, რომ იმ დროს არსებული კანონმდებლობა ვერ პასუხობდა იმ პრინციპებს, რასაც არასრულწლოვანთა მართლმსაჯულების სისტემა მოითხოვდა. აუცილებელი გახდა ცალკე არასრულწლოვანთა მართლმ-

არასრულწლოვანთა მართლმსაჯულება

საჯულღებ კოდექსის შემუშავება, რაშიც მხარი დაგვიჭრა ევროკავშირმა. ამ პროცესში ჩართული იყო საერთაშორისო მოსამართლე, ევროკავშირის პროექტის ხელმძღვანელი რენატე ვინტერი, რომელიც აშუამდებავს უფლებათა კომიტეტის თავმჯდომარეა. კოდექსის შექმნის პროცესზე ხელმძღვანელობა იუსტიციის სამინისტრომ აიღო, შეიქმნა ჯგუფი და მომზადდა კოდექსის პროექტი. განხილვების შემდეგ, 2015 წელს, კოდექსი იმ სახით მივიღეთ, როგორც დღეს ვგაქვს.

შეიძლება ითქვას, რომ კოდექსი, საქართველოს დღევანდელ საკანონმდებლო სივრცეში, საუკეთესო დოკუმენტია და მეტიც, ექსპერტთა შეფასებით, საუკეთესო დოკუმენტია რეგიონის მასშტაბითაც, რადგან აერთიანებს და მოიცავს ძალიან ბევრ მნიშვნელოვან საკითხს და ამკვიდრებს, ასევე, ძალიან მნიშვნელოვან პრინციპებსა და მიდგომებს. მაგალითად, პირველ რიგში, გათვალისწინებული უნდა იქნეს ბავშვის საუკეთესო ინტერესები; ძალიან მნიშვნელოვანი პრინციპია, ასევე, თავისუფლების აღკვეთის გამოყენება, როგორც უკიდურესი ზომა, ან ის, რომ მხოლოდ სპეციალიზებულმა პროფესიონალებმა უნდა განიხილონ არასრულწლოვანთა საქმეები; პრიორიტეტი უნდა მიენიჭოს ალტერნატიულ ზომებს – განრიდება, ყველაზე მსუბუქე სამშალბებას, დაბოლოს, გამოყენებული უნდა იქნეს თავისუფლების აღკვეთა; არასრულწლოვანთა საქმეები უნდა იყოს პრიორიტეტული და ასევე, თავიდან იქნეს აცილებული არასრულწლოვანი და ზარალბული მკვლელობის ვიქტიმიზაცია და ხელახალი ტრავმირება, პრიორიტეტულად უნდა იყოს განხილული მათი საქმეები და კიდევ, უამრავი ისეთი პრინციპი, რომელიც მანამდე ქართულ კანონმდებლობაში არ არსებობდა. რა თქმა უნდა, ამ პრინციპების განხორციელების მექანიზმები განვირგობთ კოდექსში ან კანონპროექტებში, რომელიც კოდექსის მიღების შემდეგ მიიღო შესაბამისი უწყებებმა.

რაც შეეხება კოდექსის განხორციელებას, უკვე ორი წელია მოქმედებს და შედეგით თვალსაჩინოა – იკლო პატიმრობის მაჩვენებელი, იმატა განრიდების მაჩვენებელი, უკვე გვყავს სპეციალიზებული პროფესიონალები და ა.შ. ასევე უმნიშვნელოვანესი ინოვაცია, რაც კოდექსმა შემოიტანა, ინდივიდუალური მიდგომა – თითოეულ ბავშვს ინდივიდუალურად უნდა მივუდგეთ და მის ირგვლივ აბსოლუტურად ყველა გარემოება უნდა შევსადგინო – გათვალისწინებული უნდა იყოს საჭიროებები, რისკები და ძლიერი მხარეები, ასევე, საგანმანათლებლო, ჯანმრთელობის, ფსიქოლოგიური და ა.შ. მხოლოდ ამ შეფასების შემდეგ უნდა იყოს მიღებული გადაწყვეტილება, იქნება ეს განრიდება თუ საქმე სასამართლოში გაიგზავნება და სხვ. მნიშვნელოვანია ისიც, რომ კოდექსის განხორციელებას ზედამხედველობას უწევს ე.წ. მულტიდისციპლინური ჯგუფი. მულტიდისციპლინური ჯგუფი, რაც საბოლოოდ კოდექსმა დაამკვიდრა, თუმცა მანამდე არსებობდა არასრულწლოვანთა მართლმსაჯულებაში ბევრი პროფესიონალის – მართლმსაჯულების სფეროს თუ, მაგალითად, სოციალური ან განათლების სფეროს წარმომადგენლების მონაწილეობა. ეს პროფესიონალები მსჯელობენ და საბოლოო გადაწყვეტილებასაც ერთად იღებენ. რასაკვირველია, მულტიდისციპლინური მიდგომა კონკრეტულ საქმეებზე ვრცელდება, თუმცა, ამ შემთხვევაში, ვსაუბრობ ცენტრალურ დონეზე შექმნილ მულტიდისციპლინურ ჯგუფზე, რომელიც შედგება ცენტრალური აპარატის წარმომადგენლებისგან, იმ უწყებებისგან, რომლებიც ჩართული არიან ამ პროცესებში. ჯგუფის წევრებს, საქართველოს მასშტაბით, მუდმივი კავშირი აქვთ პროფესიონალებთან.

აგროვებენ ინფორმაციას არსებულ პრობლემებზე, შემდეგ მსჯელობენ და იღებენ უკუკავშირს პროფესიონალებსგან.

ორი წელია, რაც მულტიდისციპლინური ჯგუფი ცენტრალურ დონეზე არსებობს და 2017 წლის დეკემბერში მულტიდისციპლინური მექანიზმი შეიქმნა ქვეყნის ყველა რეგიონში. პირველი შეხვედრა დეკემბერში შედგა. ეს ძალიან მნიშვნელოვანია, რადგან რეგიონების სპეციფიკა და მოცემულობა ერთმანეთისგან განსხვავდება, აქედან გამომდინარე, ვფიქრობთ, რეგიონების სპეციფიკის გათვალისწინება აუცილებელია. იუნისეფისა და ევროკავშირის მხარდაჭერით, 2016 წელსაც, ჩატარდა შეხვედრები და ძალიან სასარგებლოც იყო, მაგრამ არ ჰქონდა ინსტიტუციონალიზებული სახე. კიდევ ერთხელ დავაზუსტებ, რომ ამ მულტიდისციპლინური მექანიზმის ფუნქცია კონკრეტულ ქეისებზე მუშაობა და მასზე გადაწყვეტილების მიღება არ იქნება, ეს უფრო გლობალურად არსებული ჯგუფია, რომელიც კოდექსის განხორციელებას უწყობს ხელს. თუმცა, შეიძლება კონკრეტული ქეისებიც განიხილონ, როგორც მაგალითი ან პრეცედენტი, რა თქმა უნდა, კონფიდენციალობის დაცვით.

პარტნიორ უწყებებთან ერთად, უფრო სიღრმისეულ სპეციალიზაციამდე ვმუშაობთ. მაგალითად, 2015 წელს, როდესაც კოდექსი იქნა მიღებული, პროფესიონალების საკმაოდ დიდი რაოდენობა გადამზადდა, რომლებსაც სპეციალიზებული პროფესიონალის სტატუსი მიენიჭათ. თუმცა, ვფიქრობთ, ეს პროცესი უნდა გაგრძელდეს და არავითარ შემთხვევაში, არ შემოვიფარგლოთ იმ რამდენიმე დღიან საწყის ტრენინგით. ახლა სწორედ ამაზე ვმუშაობთ პარტნიორებთან, გვირდებ, უკვე გადაზადებული სპეციალიზებული პროფესიონალებიდან შეირჩეს კიდევ უფრო პატარა ჯგუფი, რომელიც მხოლოდ არასრულწლოვანთა საქმეებზე იმუშავებს და მუდმივ რეჟიმში გაივლის გადაზადებას. სპეციალიზაცია ხომ სწორედაც მუდმივ გადაზადებასა და მუდმივად ფორმირებულ გულსსმობს.

საუბრია იმაზეც, რომ შეიქმნას ხარისხის კონტროლის მექანიზმები – ცენტრალურ უწყებებში უნდა არსებობდეს რგოლი ან დანაყოფი, რომელიც სპეციალიზებული პროფესიონალების მუშაობის ხარისხს გაუწევს ზედამხედველობას. ამ მექანიზმს, ძირითადად, დამხმარე ფუნქცია ექნება – აღმოაჩენს პრობლემას ან ხარვეზს და მის მოგვარებაზე იმუშავებს. უმნიშვნელოვანესია ბავშვზე მორგებული გარემოს შექმნა, ამ შემთხვევაში, ინფრასტრუქტურას ვგულისხმობ, თორემ ზოგადად, ბავშვზე მორგებული მართლმსაჯულება სპეციალური, ბავშვზე მორგებული კანონების, პროფესიონალების, მეთოდოლოგიისა და პროცედურების არსებობას გულისხმობს. იუნისეფს, ევროკავშირის დახმარებით, შესაძლებლად აქვს ყველა უწყებაში შექმნას ბავშვზე მორგებული ერთი მოდელი გარემო, რომელიც გაუადვილებს ბავშვს პროცესში მონაწილეობას, თავიდან აგვაცილებს მეორეულ ვიქტიმიზაციას და სტრავმირებას, პროცესი წარიმართება კონფიდენციალურობის სრული დაცვით, დაზარალბულიების შემთხვევაში შესაძლებელი იქნება გამოკითხვის ვიდეოჩანანერის გაკეთება, რომელიც მინიმუმამდე დაიყვანს გამოკითხვათა რადენობას.

იუნისეფი, ასევე ევროკავშირის მხარდაჭერით, მუშაობს მონაცემთა სისტემის შექმნაზე, რომელიც საშუალებას მოგვცემს, შევადგინოთ ინფორმაცია და, მისი ანალიზის საფუძველზე, გამოვკვლიოთ ტენდენციები. შემდეგ, თუ საჭიროა, შევცვალოთ პრაქტიკა, მათ შორის პოლიტიკა და კანონმდებლობაც. სისტემის შექმნის პროცესში ჩართულია მარ-

თლმსაჯულების საკითხებზე მომუშავე ყველა უწყება და სამუშაოს ანალიტიკური ნაწილი უკვე შესრულებულია. არსებობს 40-ზე მეტი ინდიკატორი, რომელიც დეტალურ ინფორმაციას შეაგროვებს მართლმსაჯულების სისტემაში მოხვედრილ ბავშვებთან დაკავშირებით, შემდეგ, უკვე სტატისტიკური სახით, საჯაროდ გამოიტანს ნებისმიერი ინტერესებული პირისთვის, ვინც ამ ბაზის ვიზიტორი იქნება.

– ვის ეხება განრიდება და როგორ უნდა წარიმართოს ეს პროცესი?

– განრიდება დევნის ალტერნატიული მექანიზმია, რომელიც არასრულწლოვანს ფორმალური მართლმსაჯულების სისტემას არიდებს და იმ შემთხვევაში გამოიყენება, თუ სახეზეა ნაკლებად მძიმე ან მძიმე დანაშაული. განრიდების შესახებ პირვანდელ გადაწყვეტილებას პროკურორი იღებს, რადგან სწორედ მას აქვს ამის უფლებამოსილება. შემდეგ პროცესში რთავს სოციალურ მუშაკს, რომელიც აკეთებს შეფასებას, ასევე, მედიატორს (იმ შემთხვევაში, თუ საქმეში დაზარალბულია), რომელიც ამზადებს და უძღვება მედიააციის პროცესს. მედიაცია, ძირითადად, არის დიალოგი დაზარალბულსა და დამზარალბელს შორის, რომელიც მიზნად ისახავს მხარეებს შორის შეთანხმებას. მედიაცია მიმართულია იმისკენ, რომ არასრულწლოვანმა გააცნობიროს ჩადენილი ქმედება და თავისივე ძალებით გამოასწოროს მდგომარეობა. მედიაცია და განრიდება მნიშვნელოვანია იმიტომაც, რომ არა მხოლოდ დამზარალბლისა და კანონდამრღვევის ინტერესებზე მიმართული, არამედ არანაკლებ ყურადღებას უთმობს დაზარალბულ მხარესაც, რაც ფორმალური მართლმსაჯულების სისტემაში ნაკლებად არის შესაძლებელი. შეიძლება ითქვას, რომ მედიაციის პროცესი საზოგადოებისთვისაც მნიშვნელოვანია, რადგანაც განრიდებით წარმართულ საქმეებში დაცვებით ნაკლებია განმეორებით ჩადენილი დანაშაულის რისკები.

როცა პროკურორი იღებს პირვანდელ გადაწყვეტილებას განრიდების შესახებ, ამისთვის აუცილებლად უნდა არსებობდეს გარკვეული კრიტერიუმები – დანაშაული უნდა იყოს ნაკლებად მძიმე ან მძიმე, პირი არ უნდა იყოს ნასამართლვე, არ უნდა ჰქონდეს მონაწილეობა მიღებული განრიდებაში, უნდა აცნობიერებდეს და იღებდეს პასუხისმგებლობას ჩადენილზე და, რაც მთავარია, თანახმა უნდა იყოს განრიდებაზე, რადგან ეს ნებაყოფლობითია. გარდა ამისა, აუცილებლად უნდა არსებობდეს უტყუარი მტკიცებულება, რომ ამ კონკრეტულმა არასრულწლოვანმა ჩადინა დანაშაული და ა.შ. ამ კრიტერიუმების დაკმაყოფილების შემთხვევაში, პროკურორი იღებს გადაწყვეტილებას და შემდეგ საქმეს უგზავნის პრობაციის სააგენტოს სოციალურ მუშაკს.

როგორც ხედავთ, ეს კომპლექსური პროგრამაა, რადგან პროცესში ბევრი პროფესიონალია ჩართული სხვადასხვა უწყებიდან. მნიშვნელოვანია მათ შორის კარგი კოორდინაცია. სოციალური მუშაკი აფასებს არასრულწლოვანს და, ინდივიდუალური შეფასებისას გამოკვეთილი საჭიროებებიდან გამომდინარე, მას განრიდების პირობებს სთავაზობს. თუ სახეზეა დაზარალბული, პარალელურად, საქმე ეგზავნება მედიატორს, რომელიც მუშაობს დაზარალბულთან, რომ, პირველ რიგში, დაითანხმოს დიალოგზე და მოამზადოს კონფერენციისთვის, ასევე მუშაობს დამზარალბელ მხარესთან, ბოლოს კი იმართება მედიაციის კონფერენცია, სადაც მხარეები თანხმდებიან და ფორმდება ხელშეკრულება, რომელიც აისახება ის პირობები და ვალდებულებები, რომელიც არასრულწლოვანმა უნდა შეასრულოს. თუ შეასრულებს ამ პირობებს, რასაკვირველია, საქმეც დასრულდება, არასრულწლოვანს ნასამართლეობა არ ჩაენერება და, შესაბამისად, შეწყდება გამოძიება და დევნა. თუ არ შეასრულებს ან ჩაიდანს განმეორებით დანაშაულს, მაშინ, თავისთავად, საქმე თავიდან მიდის პროცესში.

– ვინ უწევს ზედამხედველობას განრიდებაში დაკისრებული პირობების შესრულებას და როგორია ეს პირობები?

– განრიდებით დაკისრებული პირობების შესრულებას ზედამხედველობას უწევს პრობაციის სააგენტოს სოციალური მუშაკი, რომელიც, თავდაპირველად, აკეთებს შეფასებას და მონიტორინგის ანგარიშს უგზავნის პროკურორს. პროკურორი მუდმივად საქმის კურსშია შესრულებული თუ არ შესრულებული მოვალეობების შესახებ. დაკისრებული მოვალეობები შეიძლება მრავალნაირი იყოს, მაგა-

ლითად, არასრულწლოვანს შეიძლება დაეკისროს რაიმე ტიპის, საზოგადოებისთვის ან დაზარალბულისთვის სასარგებლო საქმიანობის შესრულება, პარალელურად, შეიძლება დაეკისროს თუნდაც ის, რომ სკოლაში გამოასწოროს აკადემიური დასწრება. თუმცა, ეს აუცილებლად იქნება კომპლექსური, რადგან მხოლოდ ერთი პირობის შესრულება არ ეკისრება. მთავარია, დაკისრებული მოვალეობები აუცილებლად მის საჭიროებაზე იყოს მორგებული, რასაც შეფასება გამოკვეთს. არის ხოლმე შემთხვევები, როცა არასრულწლოვანს ამისამართებენ მოხუცებულთა თავშესაფარში რაიმე სამუშაოს შესასრულებლად ან, მაგალითად, იმ მაღაზიაში, რომელიც დააზარალა. რა თქმა უნდა, საჭიროებებთან ერთად, აუცილებლად უნდა იყოს გათვალისწინებული არასრულწლოვანის შესაძლებლობებიც, არ შეიძლება მოვთხოვოთ იმის კეთება, რაც მის ძალებს აღემატება, ანუ დაკისრებული ვალდებულება, არც ერთ შემთხვევაში, არ უნდა იყოს იმაზე მძიმე, რაც მას სასჯელით დაეკისრებოდა. განრიდებით დაკისრებული მოვალეობების შესრულება, მაქსიმუმ, 12 თვე შეიძლება გაგრძელდეს.

ერთი მნიშვნელოვანი დეტალიც – პროკურორის გარდა, მოსამართლესაც აქვს განრიდების გამოყენების შესახებ გადაწყვეტილების მიღების უფლება. თუ პროკურორი გადაწყვეტს, რომ არ განარიდოს არასრულწლოვანი და საქმე სასამართლოში გააგზავნოს, მოსამართლე როგორც მხარეების მოთხოვნით, ასევე თავისი ინიციატივით (თუ ჩათვლის საჭიროდ), შეიძლება დააბრუნოს საქმე პროკურორთან. ასეთ შემთხვევაში, უკვე სავალდებულო ხდება განრიდება და პროკურორს აღარ შეუძლია უარი თქვას არასრულწლოვანის განრიდებაზე – ესეც კოდექსის სიახლეა, რადგან ადრე მხოლოდ პროკურორს შეეძლო განრიდებაზე გადაწყვეტილების მიღება.

თვითონ პროგრამა ძალიან საინტერესო და მრავალსიმომცველია, არანაკლებ საინტერესოა პრაქტიკაც. ჩვენი სამომავლო გეგმები კოორდინაციის გაძლიერებასა და ხარისხის კონტროლის ერთიანი მექანიზმის შექმნას უკავშირდება. ასევე, აუცილებელია გაიზარდოს სოციალური მუშაკების რაოდენობა, იმიტომ რომ, ეს ადამიანები უმნიშვნელოვანეს სამუშაოს ასრულებენ. გარდა ამისა, უნდა გაიზარდოს იმ პროგრამების და სერვისების რაოდენობა, რომლებიც განრიდებაში შეიძლება გამოყენებული იყოს, როგორც პირობები ან ღონისძიებები. ასევე, არსებობს გეგმა მედიაციის, როგორც აღდგენითი მართლმსაჯულების პრაქტიკული გამოვლინებისა და სხვა ტიპის საქმეებზე, რომელიც, მაგალითად, განრიდების გარდა, გამოყენებული იქნება სასამართლო პროცესებზე. სისტემაში მედიაცია შეიძლება ნებისმიერ ეტაპზე გამოიყენოს. არსებობს ბევრი ქვეყანა, სადაც აღდგენითი მართლმსაჯულება სასამართლო ეტაპზე გამოიყენება ან უკვე სასჯელის გამოტანის აღსრულების, ოღონდ სხვადასხვა სახით და მოდოფიკაციით.

რეფორმა როცა დაიწყო, ეს მხოლოდ კანონთან კონფლიქტში მყოფ ბავშვებზე იყო მიმართული, უფრო ვინჩრ ფოკუსი ჰქონდა, მაგრამ უკვე 2014 წლიდან, რეფორმის სტრატეგია ეფუძნება და სხვა ჯგუფებიც მოიცავს, როგორც არის, მაგალითად, მონემ და დაზარალბული ბავშვები, რაც უკვე კოდექსშიც შევიდა, ასევე, სამოქალაქო და ადმინისტრაციულ სამართალწარმოებაში მონაწილე ბავშვები, რომელიც ასევე ძალიან მნიშვნელოვანი მიმართულებაა და აქაც არანაკლებ საჭიროება არსებობს სპეციალური მიდგომების გამოყენებისა.

მართალია, სისხლის სამართლის მიმართულბით ბევრი რამ გაკეთდა, მაგრამ რეფორმის ფარგლებში უნდა დაიხვენოს როგორც ადმინისტრაციული, ასევე სამოქალაქო კანონმდებლობა, შეიქმნას მაქსიმალურად ეფექტიანი მართლმსაჯულების სისტემა, რომელიც კანონთან კონტრაქტში მყოფი ყველა ბავშვის საუკეთესო ინტერესების დაცვას შეძლებს.

რაც შეეხება სამოქალაქო და ადმინისტრაციულ სფეროებს, ჯერჯერობით, განხორციელებულია მხოლოდ კანონმდებლობის ანალიზი, რომელიც მნიშვნელოვანი ხარვეზები გამოკვეთა. დავგეგმილია კანონმდებლობის გადახედვა, რაც მყარ გარანტიებს დააწესებს მართლმსაჯულების სისტემასთან შეხებაში მყოფი ბავშვებისთვის. პარალელურად, დაიწყება მუშაობა სისტემის სპეციალიზაციაზე და სხვა მექანიზმების შექმნაზე.



იუბილე

ქალაქ ბოლნისის პირველი საჯარო სკოლა 75 წლისაა

ბოლნისი – ლეთივკურთხეული ქართული მიწა. ქვემო ქართლის ამ უმშვენიერეს მიწა-წყალს უძველესი ქართული ძეგლის – ბოლნისის სიონის – შარავანდედი ადგას გვირგვინად. პირველი ქართული წარწერა ხომ ამ ტაძარმა შემოგვინახა. დგას ქართული ხუროთმოძღვრების, ქართული ანბანის, ქართული სიტყვის თითქოს უტყვი მემკვიდრე, მაგრამ ბევრად მეტყველი, ვიდრე რომელიმე მოკვდავი.

აქ, ამ მიწაზე, ამაყად დგას ბოლნისის №1 საჯარო სკოლა, რომელიც დიდი ტრადიციებისა და საინტერესო ისტორიის მატარებელია. პროფესიონალი პედაგოგების სახელოვანი აღზრდილები დღეს მნიშვნელოვან სიტყვას ამბობენ თავიანთ სფეროებში: მეცნიერ-მუშაკები, ექიმები, ხელოვანები, სპორტსმენები, ბიზნესმენები, მენარმეები, პარლამენტარები, სკოლის დირექტორები, მთავრობისა და ხელისუფლების წარმომადგენლები.

ბოლნისის პირველი სკოლა 75 წლისაა! სკოლის ზეიმი რაიონის საყოველთაო დღესასწაულად იქცა. თავისი სამოცდათხუთმეტი წლის ისტორიის მანძილზე, პირველ სკოლას ბევრი გამორჩეული პედაგოგი ამშვენებდა და ამშვენებს. ეს ნიჭიერი ადამიანები დიდებას და ავტორიტეტს მატებენ სასწავლო დაწესებულებას, სადაც ასობით ახალგაზრდა ფრთიანდება ღირსეულ მამულიშვილად.

№1 საჯარო სკოლა უწყურადღებოდ არ ტოვებს არცერთ საინტერესო პროექტს, კონკურსს, სპორტულ თუ სასწავლო ოლიმპიადას. ბოლო ათწლეულის განმავლობაში, არაერთი წარმატების მომსწრეები ვართ. დღეს სკოლაში 800 მოსწავლე სწავლობს. ჩვენი კურსდამთავრებულები წარმატებით აბარებენ გამოსაშვებ თუ ეროვნულ გამოცდებს. 2016-2017 სასწავლო წელს სკოლას ათი მედალოსანი ჰყავდა, რაც ჩვენთვის ძალიან საამაყო და სასიხარულოა.

ჩვენი სკოლის მოსწავლეები სისტემატურად მონაწილეობენ სხვადასხვა სპორტულ შეჯიბრებაში და ხშირად დიდ წარმატებას აღწევენ. აღსანიშნავია ფეხბურთის გუნდისა და ფრენბურთელ გოგონათა მიღწევები. რესპუბლიკის მასშტაბით, სკოლაში, სკოლის გუნდმა, 2009 წელს, მე-3 ადგილი და ბრინჯაოს მედალი მოიპოვა; 2010 წელს – მე-2 ადგილი და ვერცხლის მედალი; 2011 წელს საქართველოს ჩემპიონები გახდნენ, რის შემდეგაც გუნდი ანტალიაში გაემგზავრა ტურნირზე.

2016-17 წლებში დიდ წარმატებას მიაღწია ფრენბურთელ გოგონათა გუნდმა. ისინი სასკოლო ოლიმპიადის ჩემპიონები გახდნენ და 2018 წლის გაზაფხულზე საქართველოს ევროპაში წარადგინენ, კერძოდ ჩეხეთში, საერთაშორისო ტურნირზე. აღარ ჩამოვვლით სარაიონო ტურნირებსა და შეჯიბრებებში მიღ-

ბულ ჯილდოებს, რომელიც მრავლად აქვს სკოლას. ამ ყველაფერში დიდი წვლილი მიუძღვით სპორტის მასწავლებლებს.

2012 წელს პირველმა საჯარო სკოლამ მონაწილეობა მიიღო მშვიდობის კორპუსის მიერ ორგანიზებულ პროექტში, მოიპოვა გრანტი 2000 ლარის ოდენობით და ინგლისური ენის კაბინეტისათვის ტექნიკური აღჭურვილობა შეიძინეს. პროექტზე მუშაობდნენ ამერიკელი მოხალისე და სკოლის ინგლისურის მასწავლებელი **დარეჯან ლეხსიაი**.

2015 წელს სკოლა მონაწილეობდა გაეროს მიერ დაფინანსებულ საერთაშორისო პროექტში „ჯაჭვური რეაქცია“, რომლის მიზანია სკოლაში კვლევაზე დაფუძნებული სწავლების მეთოდების დანერგვა, საუკეთესოთა შორის პირველ ხუთეულში მოხვდა და მოიპოვა გრანტი – 2000 ევრო. ამავე პროექტის ფარგლებში, მონაწილეობდნენ მოსწავლეთა ეროვნულ კონფერენციაში და ერთ-ერთი საპრიზო ადგილიც დაიკავეს (პედაგოგები: **თინათინ ფრუიძე, ლეილა გელაძე**).

ასევე, ჩვენი მოსწავლეები, სამი წლის მანძილზე, იმარჯვებდნენ პროექტში „ენერგოეფექტურობა“, საერთო ჯამში, დაჯილდოვდნენ 1000 დოლარით (პედაგოგი – **ირმა წაქაძე**).

2016 წელს, ესეების კონკურსში „წარსულით შექმნილი მომავალი“, პირველი ადგილი დაიკავა ჩვენი სკოლის მოსწავლემ **ზაურ წაქაძემ** და მისი ესე მოთავსდა „დროის კაფსულაში“ 25 წლით. ზაური დაჯილდოვდა 500-ლარიანი ნიგნების ვაუჩერით, ხოლო პედაგოგი **კარინე დევნოზაშვილი** განათლებისა და მეცნიერების სამინისტრომ 500 ლარით დააჯილდოვა.

ბოლნისის №1 საჯარო სკოლის გაერთიანებული გუნდი, **ელენე საჯაიას** ხელმძღვანელობით, ბოლო სამი წლის მანძილზე, წარმატებებს აღწევდა. 2017 წლის გაზაფხულზე კი, ეროვნულ-რესპუბლიკურ საგუნდო კონკურსზე, საპრიზო ადგილი დაიკავა და ლაურეატის წოდებაც მოიპოვა.

სკოლამ მონაწილეობა მიიღო საქართველოს განათლებისა და მეცნიერების სამინისტროს მიერ ორგანიზებულ კონკურს-ფესტივალზე „ვაჟა – სკოლის სცენაზე“. წარმოდგენილი სპექტაკლი წარმატებულადაა პირველ ხუთეულში მოხვდა და დიპლომით დაჯილდოვდა.

ეს წარმატებების არასრული ჩამონათვალია.

როგორ მოვიდა სკოლა დღემდე? როგორ გაიარა 75 ვრდელი და შინაარსიანი წელი? ვთავაზობთ მცირე ისტორიულ ექსკურსს: ბოლნისს ადრე ლუქსემბურგ ერქვა, ეს სახელი კომპაქტურად დასახლებულ გერმანელებს შეუერთებიათ. ომის დაწყებისთანავე, სტალინის ბრძანებით, გერმანელები გაუსახლებიათ. 1942 წელს აქ ჩამოსახლეს ოჯახები იმერეთიდან, რაჭიდან, ლეჩხუმიდან, სამეგრელოდან და პირველი სკოლის ნელთალრიცხვაც დაიწყო. ამ ფაქტმა ქვემო ქართლის ისტორიულ კუთხეს ახალი სიცოცხლე შთაბერა.

გავიდა დრო და ღირსსახსოვარი მოვლენა მოხდა ბოლნისში – 1950 წლის პირველ სექტემბერს სკოლა ახალ შენობაში გადავიდა და მას დიდი ქართველი მწერალ-დიდაქტიკოსისა და საზოგადო მოღვაწის სულხან-საბა ორბელიანის სახელი ეწოდა.

ბოლნისის ღირსეული შვილები, პირველი სკოლის აღზრდილები არიან: აკადემიკოსები – **ელიზბარ ჯაველიძე, ლადო მინაშვილი, როინ ქუტიძე**; პროფესორები – **ემილ კოპალიანი, ნელი ურუშაშვილი, ვია პეტრიაშვილი**; მეცნიერი და გამოგონებელი **შალვა დარჯანია**, ადვოკატი **იოსებ ბარათაშვილი**, დიდი ქართველი მაცესტრო **ჯანსუღ ჩარკვიანი**, კინორეჟისორი **კარლო ლლონტი**, ოპერის სოლისტი **შოთა ჩაკვეტაძე**, ფეხბურთელი **თამაზ სტეფანია**, პარლამენტარები – **შუკრი დევნოზაშვილი, კობა დვალაშვილი, გოგი მემველიანი, გურამ აგვოფაშვილი, მიხეილ ყაველაშვილი** (ცნობილი ფეხბურთელი); ბიზნესმენები – **თემურ ჭყონია, ვია კორაძე, გურამ მინდიაშვილი, ფურცმ და ბესარიონ ურუშაშვილი, გიორგი ბუბუტიშვილი** და სხვები.

1997 წელს პირველად აღინიშნა სკოლის 55 წლის იუბილე, მეორედ, 2002 წელს – 60 წლის გრანდიოზული იუბილე, **ლიანა ხურცილავას** დირექტორობის პერიოდში (1997-2006წწ.), მისივე რედაქტორობით, გამოიცა ნიგნი „ბოლნისის პირველი სკოლა – 60“.

2015 წლიდან სკოლას სათავეში ჩაუდგა მოტივირებული და ღირსეული ხელმძღვანელი **ირმა წაქაძე**. სწორედ მისი დამსახურებით აღინიშნა ესოდენ გრანდიოზულად სკოლის 75 წლის იუბილე.

8 დეკემბერს, უჩვეულო მზითა და სითბოთი სავსე დღეს, ბოლნისის კულტურის სახლის სცენაზე, №1 საჯარო სკოლის იუბილის აღსანიშნავი ღონისძიება გაიმართა, რომელსაც ესწრებოდნენ საპატიო სტუმრები თბილისიდან, სკოლის კურსდამ-



თავრებულები, ყოფილი პედაგოგები, ბოლნისის მუნიციპალიტეტისა და სხვადასხვა ორგანიზაციის წარმომადგენლები. ბევრი თბილი და სიყვარულით სავსე სიტყვა ითქვა. გამომსვლელები ისხნებდნენ სკოლასთან დაკავშირებულ ისტორიებს, წამყვანები თანმიმდევრულად და ამომწურავად აცნობდნენ დამსწრე საზოგადოებას სკოლის წარსულსა და თანამედროვეობას.

კულტურის სახლის ფოიეში სკოლის ისტორიის ამსახველი სურათების გამოფენა მოეწყო.


გოგი მემველიანი, პარლამენტარი: „დღევანდელი დღე არ მინდა ტრადიციული მილოცვით დავიწყო. მიმაჩნია, რომ უფრო სწორი იქნება, თუ ვისაუბრებ რა მნიშვნელოვანი როლი ითამაშა 75 წლის მანძილზე პირველმა ქართულმა სკოლამ ბოლნისის მუნიციპალიტეტის განვითარებაში, ბევრი ღირსეული თაობა აღზარდა და ამ თაობებში გამორჩეულმა ადამიანებმა გამორჩეული ადგილი დაიკავეს ქვეყნის პოლიტიკურ-კულტურულ-სპორტულ თუ საზოგადოებრივ ცხოვრებაში. ბოლნისის პირველ სკოლას რალაც განსაკუთრებული ნიშა აქვს, რასაც ასე მარტივად ვერ ახსნი – ძალიან გიყვარს, შენია და თან ძალიან ძვირფასია. ჩემი ეს დამოკიდებულება ალბათ იმის ბრალია, რომ მეც ამ სკოლის კურსდამთავრებული ვარ, მართლაც გამორჩეულია და ანალოგი არ მოეძებნება, ეს პირველი ქართული სკოლაა, როგორც ცოდნის ტაძარი, ადგილი, სადაც ცხოვრების ასპარეზზე პირველ ნაბიჯებს დგამ და თავს იმკვიდრებ საზოგადოებაში.“

ელიზბარ ჯაველიძე, აკადემიკოსი, მეცნიერი: „ჩემი ბავშვობა და ყრმობა ბოლნისს და პირველ სკოლას უკავშირდება, ამიტომ ძალიან მიყვარს ეს ქალაქი. აქ ვისწავლე სამშობლოს სიყვარული, მშობლებისა და უფროსების პატივისცემა. ვულოცავ პირველ სკოლას ამ ღირსშესანიშნავ თარიღს.“

იყო მილოცვები სხვადასხვა ქვეყნიებიდან, სადაც ცხოვრობენ და მოღვაწეობენ ჩვენი სკოლის კურსდამთავრებულები. მათ შორის იყო ყოფილი იუსტიციის მინისტრის პირველი მოადგილე **თინა ბურჯალიანი**.

იუბილე დაგვირგვინდა სკოლის 120 მოსწავლისაგან შემდგარი გუნდის (ხელმძღვანელი – **ნინო დვალაშვილი**) მიერ შესრულებული ბოლნისის №1 საჯარო სკოლის ჰიმნი, რომელიც ამ დღისთვის დაინერგა, ტექსტის ავტორები არიან: **ხათუნა ქარაია** და **მანანა შეყილაძე**, ხოლო მუსიკისა – **მამა ბასილ ახვლედიანი**, რომელიც ჩვენი სკოლის მასწავლებელთა და მოსწავლეთა სულიერი მოძღვარია.

ბოლნისის №1 საჯარო სკოლა ბურჯად უდგას მშობლიურ კუთხეს, მამულს, ენას, სარწმუნოებას, ეროვნულ განათლებას. უკვე დაჭარმაგებულ, სამოცდათხუთმეტი წლის, ცოდნისა და აღზრდის ამ ჩინებულ კერას კვლავაც დიდი ვალი ადევს მომავალი საქართველოს წინაშე. მან კვლავაც უნდა აღუზარდოს საქართველოს სახელოვანი, ზნემაღალი მოქალაქეები, თავისი ქვეყნის ერთგული და სასახელო შვილები.



მანანა შეყილაძე
ქალაქ ბოლნისის №1 საჯარო სკოლის პედაგოგი

ღია წერილი

საქართველოს განათლებისა და მეცნიერების მინისტრს, მიხეილ ჩხენკელს

მოგესალმებით, ბატონო მინისტრო!

ის, რაზეც ახლა გწერთ, ძველია, არ ახალია, მაგრამ მაინც გწერთ... მოკრძალებით გწერთ, გწერთ გულსტიკივილითა და იმედით... გულსტიკივილით დღევანდელი სკოლის გამო, იმედით, რომ რაღაც შეიცვლება განათლების სისტემაში. წერილის დანერგა გია მურულუას მიერ „ახალ განათლებაში“ დასმულმა კითხვამ გამაბედინა. ბატონი გია გულსტიკივილით კითხულობს: „ვინ არის ილია ჭავჭავაძე, მივხვდეთ თუ არა მის ნაკვალევს, ვიზიარებთ და ვაცნობიერებთ თუ არა მის ნააზრევსა და ნაღვანს?“ და თავადვე პასუხობს: „...მეჩვენება, რომ არც დღევანდელ ქართველს აქვს გაცნობიერებული ილიას ფენომენი“.

დიდი ილია წერს: „ზნე-ხასიათის წრთვან ერთ-ერთი უდიდესი, უაღრესი საგანი სკოლისა. გაადაამიანება კაცისა თავი და ბოლოა ყოველგვარი წრთვნისა, ზრდისა და განათლებისა... ამიტომაც თვითონ სწავლა და ცოდნა, რომელსაც სკოლა იძლევა, ისე უნდა იყოს გაანგარიშებული და შერჩეული, რომ ზნე-ხასიათის წრთვნას, ამ ერთადერთ საგანს თავისას გაუძღვეს და მსახურებდეს.“

დღეს კი ეს „უაღრესი საგანი“ სკოლისა თავმინებებულია. სერტიფიცირების გამოცდამ კარგად გამოავლინა თითოეული მასწავლებლის თეორიული ცოდნა, მაგრამ ერთგვარად დარჩილა მისი აღმზრდელი ფუნქცია, რაც უმთავრესია სკოლისა და მასწავლებლისთვის. თუმცა, ისიც უნდა აღი-

ნიშნოს, რომ მეტად რთულია შეფასების სისტემაში აღმზრდელითი კომპონენტის შეტანა, სააღმზრდელი შედეგების შემოწმება (მაგრამ, მართო წრთვან რას უზამს). ამას შესაფერისად, ალბათ, ვერც სერტიფიცირებულ მასწავლებელთა სქემაში ჩართვა მოახერხებს. ამას სხვა რაღაც უნდა. რა? ალბათ, ღირს ამაზე დაფიქრება.

ყველა ეპოქას თავისი სირთულეები აქვს. ასეა ახლაც – სკოლის მოსწავლეთა დიდი ნაწილი მშობლების ყურადღების გარეშე არიან დარჩენილები (მშობლები ან გვიანობამდე მუშაობენ ან საზღვარგარეთ არიან წასულები. ვერც გამტყუნებ). სკოლაში მოდიან მოსწავლეები, ტელემანები, სხვადასხვა ინფორმაციით დატვირთულები (ვინ იცის, როგორი), ხშირად აგრესიულები, რომლებიც, ღამეებს კომპიუტერთან ათენებენ და რას უყურებენ, ღმერთმა იცის... ასეთი მოსწავლეების აღზრდას სისტემატური ყურადღება სჭირდება, სჭირდება დრო, რომელიც მასწავლებელს, სამწუხაროდ, არა აქვს. თუმცა, როგორც ყოველთვის, ახლაც არიან მასწავლებლები, ჭეშმარიტი აღმზრდელები, რომლებიც ყველაფრის მიუხედავად ასრულებენ თავიანთ ძირითად მოვალეობას – ისინი ურთიერთდობის, პატივისცემისა და სიყვარულის გარემოს ქმნიან. მათ ენდობიან მოსწავლეები, რჩევასაც ეკითხებიან და უჯერებენ კიდევ, ზოგჯერ უფრო მეტად, ვიდრე მშობლებს. ასეთი ერთეული შემთხვევებია. სკოლას კი, ალბათ, ერთიანი სააღმზრდელი ატმოსფეროს შექმნა სჭირდება, სჭირდება სამართლიანი სიმკაცრე და მოთხოვნა, დისციპლინა და თავისუფლება განათლებაში. იქნებ, ისევ ადღეს სააღმზრდელი დარგის ხელმძღვანელის შტატი. ამ მიმართუ-

ლებით გაიზარდოს კლასის ხელმძღვანელის ფუნქციები, შეცვლისდაგვარად ჩაერთოთ მშობლებიც.

იქნებ, უფრო მეტი ყურადღება მიექცეს ფიზიკურ და სპორტით აღზრდასაც. ყველა ადამიანს სჭირდება ფიზიკური სიძლიერე, შრომის სიყვარული, ამტანობის გამოუმუშავება, მამაცობა, წესრიგის სიყვარული, მორჩილება და ნდობა აღმზრდელისა, მშობლისა.

როგორ თანადროულად ჟღერს დიდი ილიას სიტყვები: „ახლანდელი სკოლა მართო იმის ცდაშია, რომ ასწავლოს მართო ცოდნისა და სწავლისათვის და არა კაცის გაადაამიანებისათვის, ამიტომაც არც კაცად ვარგობენ ახლანდელი ყმაწვილები და არც იმათის სწავლა-ცოდნით გამოდის რამე.“

მართალია ბატონი გია მურულუა. ჩვენ, მასწავლებლებმა, უნდა გავიზაროთ, გავიცნობიეროთ დიდი ილიას ნააზრევი და ნაღვანი და მივყვეთ მის გზას. მასწავლებლისთვის ცნობილ 9 გზავნილს მეთესაც დავუმატებდი: მოსწავლის აღზრდა, გაადაამიანება კაცისა, ჩემი უპირველესი მოვალეობაა.

ბატონო მინისტრო, არ ვიცი, ნაიკითხავთ თუ არა ამ წერილს, მაგრამ დიდი სიყვარულითა და იმედით დავწერე.

ღმერთმა ყველა საქმე კარგად წარგიმართოთ ჩვენი მომავლის საკეთილდღეოდ, გაგაძლიეროთ!

ნანა ბარჯაქაძე-მიხანაშვილი
ჯავახეთი, ნინოწმინდის მუნიციპალიტეტი,
განის რუსთაველის სახელობის მე-2 საჯარო სკოლა,
სახელმწიფო პროგრამის „ქართული ენა მომავალი წარმატებისთვის“ მონაწილე მასწავლებელ-კონსულტანტი

სასკოლო აქტივობა

მზე ჩასვლის შემდგომ რჩება მნათობად...

მშობლები ბავშვის დაბადებამდე იწყებენ იმაზე ფიქრს, რა დარქვან შვილს, დიდხანს არჩვენ სახელებს, ყველას უნდა მეფეების, დედოფლების, გმირებისა და საერთოდ ცნობილი ადამიანების სახელს ატარებდეს მისი მემკვიდრე, მაგრამ ცოტა თუ ფიქრობს იმაზე, იქნება კი მისი შვილი ამ დიდებული სახელის ტარების ღირსი. დიან, როგორც გოდერძი ჩოხელი ამბობს, „სახელი აღამაზებს ადამიანს და ადამიანი აღამაზებს სახელს“.

ჩვენც, სსიპ ილია ჭავჭავაძის სახელობის ქალაქ ფოთის №5 საჯარო სკოლის დირექცია, მასწავლებლები და მოსწავლეები, ვცდილობთ, ვიყოთ ამ სახელის ტარების ღირსი, ეს ხომ ჯილდოსთან ერთად დიდი ტვირთიცაა.

„ბევრი ილაპარაკეთ, ბევრი წერეთ, ბატონებო, ილიაზე, რაც შეიძლება ბევრი!“ – ვაჟა-ფშაველას ამ სიტყვების მნიშვნელობა ძალიან კარგად გვესმის მეზუთესკოლელებს, მაგრამ მართო სიტყვები როდი კმარა, მთავარი ხომ, როგორც ილია თვლიდა, საქმეა, ამიტომაც ვაქციეთ სიტყვები საქმედ.

სსიპ ილია ჭავჭავაძის სახელობის ქალაქ ფოთის №5 საჯარო სკოლაში, 2017-2018 სასწავლო წლის 4-8 დეკემბერს, გაიმართა ილია ჭავჭავაძის დაბადებიდან 180 წლის იუბილესადმი მიძღვნილი კვირეული, რომლის ფარგლებშიც დაგეგმილი იყო ღონისძიებები: სასწავლო შემოქმედებითი პროექტი „ილია – საქართველოს თანამდევი უკვდავი სული“ (ავტორები: **ნინო კილასონია, ლელა ქვარცხავა**); ვიქტორინა-კონკურსი (VII კლასი, ქართული ენისა და ლიტერატურის მასწავლებელი – **ლეილა ხონელიძე**); მინი-სპექტაკლი „მოძღვრისეული სიბრძნე“ – ნაწყვეტი „გლახის ნამბობიდან“ (V^ბ კლასი, ქარ-

თული ენისა და ლიტერატურის მასწავლებელი – **სოფიო სალია**); ჩატარდა რამდენიმე კონკურსი – ესეს წერის, ნორჩ მხატვართა და მხატვრული კითხვის.

ესეს წერის კონკურსი V-VIII და IX-XI კლასების მოსწავლეებს შორის გაიმართა. პროექტში მონაწილე მოსწავლეებს ადგილზე უნდა დაეწერათ ესეები თემაზე: „მამულო საყვარელო, შენ როსლა აყვავდები?“ (V-VIII კლასები) და „ილია დღეს“ (IX-XI კლასები).

კვირეულის ერთი დღე ნორჩ მხატვართა კონკურსს დაეთმო. მოსწავლეებს ადგილზე უნდა შეექმნათ კომიქსები ილია ჭავჭავაძის შემოქმედებიდან. კონკურსი სახელით და გამოყენებითი ხელოვნების მასწავლებლებმა შეაფასეს. გამარჯვებული მოსწავლეები დაჯილდოვდნენ.

„მამინ ვიმღერ, მხოლოდ მამინ...“ – ასე დავარქვით მხატვრული კითხვის კონკურსს, რომელშიც V-X კლასების მოსწავლეები მონაწილეობდნენ. ამ აქტივობას ბავშვები განსაკუთრებული პასუხისმგებლობით მოეკიდნენ. ყიურის გაუჭირდა საუკეთესოთა შერჩევა. თუმცა, კონკურსის წესების თანახმად, მაინც გამოვლინდნენ გამარჯვებულები, რომლებიც სიგელებითა და დიპლომებით დაჯილდოვდნენ.

ნორჩ მხატვრობა მოგვევლინა V^ბ კლასის მოსწავლეები – მათ წარმოადგინეს ნაწყვეტი ილია ჭავჭავაძის „გლახის ნამბობიდან“. მინი-სპექტაკლი, რომელიც შინაარსობრივად საინტერესო და დახვეწილი იყო, ქართული ენისა და ლიტერატურის მასწავლებელმა, **სოფიო სალიამ** მოამზადა.

ქართული ენისა და ლიტერატურის მასწავლებელმა, **ლეილა ხონელიძემ**, კვირეულის ფარგლებში, VII^ბ კლასში, ჩატარა ვიქტორინა-კონკურსი. ორ გუნდად გაყოფილი მოსწავლეები ერთმანეთს ილიას ბიოგრაფიისა და შემოქმედების ცოდნაში ეჯიბრებოდნენ. მათ წარმოადგინეს ხელნაწერი გაზეთების პრეზენტაცია, ხოლო კლასის ნორჩმა მხატვრებმა, კონკურსის მსვლელობისას, ადგილზე, შექმნეს ილუსტრაციები ილიას ნაწარმოებების მიხედვით.

კვირეულის დასრულებისთანავე გამარჯვებული მოსწავლეები სიგელებით დაჯილდოვდნენ.

ვფიქრობთ, აღნიშნულმა პროექტმა ხელი შეუწყო მოსწავლეებში შემოქმედებითი ნიჭის გამოვლენასა და დამოუკიდებელი, შემეცნებითი აზროვნების განვითარებას. რადგან 2017 წელი ილია ჭავჭავაძის საიუბილეო წელი იყო, ხოლო ჩვენი სკოლა ილია ჭავჭავაძის სახელობისაა, პროექტის თემატიკა ილიას სახელს დაუკავშირეთ. მისი შემოქმედებისადმი მიძღ-



ვნილი ღონისძიება მოსწავლეთათვის სტიმული იყო, რომ მოიძიონ და შეისწავლონ დიდ მოღვაწეთა ცხოვრება და შემოქმედება. მოსწავლეებში გაიზარდა ინტერესი ილია ჭავჭავაძის ცხოვრებისა და შემოქმედების მიმართ. ისინი არა მხოლოდ გაეცნენ და ჩაუღრმავდნენ, არამედ, ხალისით მოეკიდნენ საგანმანათლებლო, შემოქმედებით და შემეცნებით აქტივობებს, რომლებიც პროექტის ფარგლებში განხორციელდა.

ლეილა ქვარცხავა,
ნინო კილასონია
სსიპ ილია ჭავჭავაძის სახელობის ქალაქ ფოთის №5 საჯარო სკოლის ქართული ენისა და ლიტერატურის მასწავლებლები



სამოღალო გაკვეთილი

ქიმიის და ბიოლოგიის ინტეგრირებული გაკვეთილი

გაკვეთილის თემა: „ცილების ქიმიური თვისებები, ცილების ფუნქციები“
სწავლების საფეხური და კლასი: საშუალო/XI კლასი (18 მოსწავლე)
სამუშაოს ეთმობა ერთი გაკვეთილი (45 წთ)
ბიოლოგიის პედაგოგი – ნატა ბიჭიკაშვილი

გაკვეთილის მიზნები და მისაღწევი შედეგები:

შესაბამისობა სტანდარტთან:
ბიოლ. X.5. მოსწავლეს შეუძლია იმსჯელოს უჯრედში მიმდინარე პროცესებზე და დაასაბუთოს მათი მნიშვნელობა ორგანიზმისათვის.

- შედეგი თვალსაჩინოა, თუ მოსწავლე:
- ასაბუთებს უჯრედის შემადგენლობაში შემავალი არაორგანული და ორგანული ნივთიერებების აუცილებლობას ორგანიზმისათვის;
 - ილუსტრაციის და/ან მოდელის საშუალებით აჩვენებს ბიოპოლიმერების აგებულებებს შორის მსგავსებასა და განსხვავებას, მსჯელობს მათ მნიშვნელობაზე თითოეული უჯრედისათვის და მთელი ორგანიზმისათვის;
 - ატარებს ცდებს და ავლენს კატალიზური პროცესების ინტენსივობის დამოკიდებულებას ზოგიერთ ფაქტორზე (მაგ., ტემპერატურა, pH), მონაცემებს გამოსახავს გრაფიკულად და აანალიზებს შედეგებს.

ქიმ. XI.5. მოსწავლეს შეუძლია ორგანული ნაერთების დახასიათება, მათი მნიშვნელობის შესახებ მსჯელობა.

- შედეგი თვალსაჩინოა, თუ მოსწავლე:
- აკავშირებს ორგანული ნაერთების თვისებებს მათ შედგენილობაში შემავალ ფუნქციურ ჯგუფთან;
 - ორგანული ნაერთების სპეციფიკურ თვისებებს ხსნის მათ მოლეკულაში შემავალ ატომთა ან ატომთა ჯგუფების ურთიერთგავლენით.

კვლ. XI.2. მოსწავლეს შეუძლია კვლევითი პროცედურის განხორციელება/მონაცემების აღრიცხვა.

- შედეგი თვალსაჩინოა, თუ მოსწავლე:
- იყენებს შესაბამის მასალას ან/და აღჭურვილობას და ატარებს დაგეგმილ ცდას უსაფრთხოების წესების დაცვით;
 - აწარმოებს დაკვირვებას და/ან გაზომვებს, იღებს სარწმუნო მონაცემებს.

წინარე ცოდნა: ორგანული ნივთიერებების – ცილების – აღნაგობის ცოდნა, ცოცხალი ორგანიზმებისთვის ცილების ფუნქციების ცოდნა.

სასწავლო რესურსები: ქიმიის და ბიოლოგიის სახელმძღვანელოები, პროექტორი, კომპიუტერი, მასალა და აღჭურვილობა ექსპერიმენტების ჩასატარებლად (ეთილის სპირტი, კვერცხი, აზოტმჟავა), ფიალები, 100მლ ჭიქები, რეზინის ხელთათმანები. წინასწარ მომზადებული პრეზენტაცია (Power point-ში).

გაკვეთილის თემა:

ცილების აგებულება, თვისებები, მნიშვნელობა ცოცხალი ორგანიზმებისთვის

მიზანი: გაკვეთილის ბოლოს მოსწავლეები შეძლებენ იმსჯელონ ცილების სტრუქტურაზე, ქიმიურ თვისებებზე. ცილების აგებულებას და თვისებებს დაუკავშირებენ მათ ფუნქციებს ცოცხალ ორგანიზმებში. გამოუმუშავენ ინტეგრირებული უნარ-ჩვევები – გააცნობიერებენ სამყაროში მიმდინარე პროცესების ერთიანობას, დააკავშირებენ ერთმანეთთან ქიმიურ და ბიოლოგიურ პროცესებს. იმსჯელებენ ცილების დენატურაციაზე მოქმედი ფაქტორების შესახებ, გაანალიზებენ ცილების მნიშვნელობას კვებით რაციონში.

მისაღწევი შედეგები: მოსწავლეს შეუძლია გაანალიზოს ცილების მნიშვნელობა ცოცხალი ორგანიზმებისთვის, აცნობიერებს სამყაროში მიმდინარე პროცესების ერთიანობას, იყენებს ცოდნას სხვადასხვა დისციპლინებიდან (ქიმია, ბიოლოგია), ახასიათებს ცილების ფიზიკურ და ქიმიურ თვისებებს, მსჯელობს ცილების ორგანიზმში მეტაბოლიზმის შესახებ.

ინდიკატორები: აანალიზებს ცილების მნიშვნელობას ცოცხალ ორგანიზმებში მიმდინარე პროცესებში; გეგმავს და ატარებს შესაბამის ექსპერიმენტებს. ასახელებს ცილების ფიზიკურ და ქიმიურ თვისებებს, გეგმავს და ატარებს შესაბამის ექსპერიმენტებს, გამოაქვს შესაბამისი დასკვნები.

სწავლების სტრატეგიები: განწყობის შექმნა, ინფორმაციის გახსენება, შეჯამება, დასკვნების გამოტანა; ისტ-ის გამოყენება; თანამშრომლობითი სწავლება, საკუთარი აზრის დაფიქსირება. საკლასო დისკუსია, ლექცია, ასოციაციური რუკის შექმნა, ექსპერიმენტი, ჩანაწერების გაკეთება.

გაკვეთილის სცენარი

შესავალი: მოსწავლეებისთვის გაკვეთილის თემის და გეგმის წარდგენა

<p>ცილები</p> 	<p>დღეს ვისაუბრებთ</p> <ul style="list-style-type: none"> • ცილების ქიმიურ თვისებებზე • ცილების ფუნქციებზე • ცილების მნიშვნელობაზე ცოცხალი ორგანიზმებისთვის • ჩავატარებთ ექსპერიმენტებს
--	--

A ფაზა – გამოწვევა

აქტივობა 1. განწყობის შექმნა (2წთ).

მოსწავლეები, 2 წუთის განმავლობაში, ასახელებენ მათ საყვარელ ცილების შემცველ კერძებს.

დაასახელეთ თქვენთვის საყვარელი ცილებით მდიდარი საკვები







შემდეგ, მონიტორზე გამოდის წინასწარ მომზადებული პრეზენტაციის მეოთხე სლაიდი, მოსწავლეები პასუხობენ სლაიდზე მოცემულ შეკითხვას (1წთ).



B ფაზა – შინაარსის რეალიზება



აქტივობა 2. ასოციაციური რუკის შექმნა (რა ვიცით ცილების შესახებ?) (3წთ).


სიღრმისეული წვდომა


<p>ცილები ან პროტეინები – მაღალმოლეკულური ბუნებრივი ორგანული ნაერთები, რომლებიც ამინომჟავებისაგანაა აშენებული.</p> 	<p>ცილების აგებაში 20 ამინომჟავა მონაწილეობს</p> 
--	--

<p>პოლიპეპტიდური ჯაჭვი</p> 	<p>პირველადი სტრუქტურა</p> 
---	---


<p>ცილის მეორეული სტრუქტურა</p> 	<p>ცილის მესამეული სტრუქტურა</p> 
--	---

<p>ცილის მეოთხეული სტრუქტურა</p> 	<p>ცილის პირველადი და მეორეული სტრუქტურა</p> 
--	--

<p>ცილის მესამეული და მეოთხეული სტრუქტურა</p> 	<p>α-ამინომჟავა</p> <chem>NC(C(=O)O)R</chem> <p>γ-ამინომჟავა</p> <chem>NC(C(=O)O)CC</chem>
--	--

	<p>ცილის ქიმიური თვისებები</p> <ul style="list-style-type: none"> • დენატურაცია • ჰიდროლიზი • თვისებითი რეაქცია
---	---

<p>ცილების ქიმიური თვისებები</p> <ul style="list-style-type: none"> • დენატურაცია • ჰიდროლიზი • თვისებითი რეაქცია 	<p>დენატურაცია</p> 
---	---

<p>დენატურაცია-რენატურაცია</p> 	<p>ჰიდროლიზი</p> <chem>NC(C(=O)O)R + H2O -> NC(C(=O)OH)R + H2O</chem> <p>ლიზინი</p>
---	---

<p>ამინომჟავების ამფოტერული ბუნება</p> <ul style="list-style-type: none"> • $NH_2 - CH_2 - COOH + HCl \rightarrow HCl \cdot NH_2 - CH_2 - COOH$ • $NH_2 - CH_2 - COOH + NaOH \rightarrow H_2O + NH_2 - CH_2 - COONa$ 	<p>ექსპერიმენტი 1</p> <ul style="list-style-type: none"> • ცილების დენატურაცია • 1. გატეხი კვერცი, ცილა მოათავსე ფიალაში • 2. დაასხი 30 მლ ეთილის სპირტი • 3. დააკვირდი, რა ცვლილებები განიცადა ცილამ • 4. დაკვირვების შედეგი ჩაწერე რეველში • 5. ახსნით, რამ გამოიწვია აღნიშნული ცვლილება
---	---

აქტივობა 3. მინი-ლექცია + მოსწავლეთა ინტერაქცია (5წთ).

- ცილების შედგენილობა
- ცილების ფიზიკური თვისებები
- ცილების ქიმიური თვისებები
- ცილების ფუნქციები

აქტივობა 4. ჯგუფური ექსპერიმენტები: ცილების თვისებების გამოკვლევა (7წთ). ინსტრუქციები ექსპერიმენტების შესახებ გამოდის მონიტორზე.

სამუშაოს დასრულების შემდგომ მოსწავლეები იმსჯელებენ ექსპერიმენტის შედეგების შესახებ, გამოიტანენ დასკვნებს.

აქტივობა 4. სადემონსტრაციო ცდა – ქსანტოპროტეინის რეაქცია (თვისებითი რეაქცია ცილებზე).

სამოღალო გაკვეთილი








მასწავლებელი ატარებს ექსპერიმენტს, მოსწავლეები აკვირდებიან მიღებულ შედეგს, გამოაქვთ დასკვნები(3წთ).

ექსპერიმენტი 2

- ქსანტოპროტეინის რეაქცია (სადემონსტრაციო ცდა)
- 1. კვერცხის ცილას ვუმატებთ კონცენტრირებულ აზოტმყავას
- 2. აღწერთ დაკვირვების შედეგს
- 3. გამოგვაქვს დასკვნა

მინი-ლექცია (3წთ).

ცილების ფუნქციები ცოცხალი ორგანიზმებისთვის

<p>ცილების ფუნქციები</p> <ul style="list-style-type: none"> კატალიზური (ფერმენტული) სტრუქტურული სატრანსპორტი მოტორული სამარაგო სასიგნალო დამცველობითი ენერგეტიკული 	<p>ცილების ფუნქციები</p> <ul style="list-style-type: none"> სამშენებლო 
<p>სამშენებლო</p> 	<p>სატრანსპორტი</p> 
<p>ენერგეტიკული</p> <p>1 გ ცილის დაშლის 17,6 კვ.ჯ. ენერჯია გამოიყოფილება</p> 	<p>მომძრაობა</p> 
<p>დამცველობითი</p> 	<p>კატალიზური</p> 

აქტივობა 5. საკლასო დისკუსია: რა მოხდება, თუ ორგანიზმში ცილების ნაკლებობა იქნება? და „რას მოგვიტანს ცილების ჭარბი მოხმარება?“ (6წთ).

აქტივობა 6. ცილების შესახებ ანიმაციის ჩვენება (4წთ).

ა ფაზა – რეფლექსია, ანუ გააზრება

აქტივობა 7. კითხვებზე პასუხი, სურათებზე გამოსახული ცილების ფუნქციის ამოცნობა (6წთ).

მოსწავლეებთან ერთად ხდება გაკვეთილის რეფლექსია – გაკვეთილის შეჯამება კითხვებზე პასუხით.

- რომელი ნივთიერებებისგან არის აგებული ცილები?
 - როგორი აგებულება აქვთ ამინომჟავებს?
 - როგორია ცილების პირველადი, მეორეული, მესამეული და მეოთხეული სტრუქტურა?
 - როგორია ცილების ქიმიური თვისებები?
 - რომელი რეაქციით აღმოვაჩინოთ ცილას? (თვისებითი რეაქცია)
 - ჩამოთვალეთ ცილების ფუნქციები ცოცხალი ორგანიზმებისთვის.
- მოსწავლეები აჯამებენ გაკვეთილს: რა იყო ახალი მათთვის, რა ისწავლეს, რა რეკომენდაციები აქვთ მომავალში ასეთი ტიპის გაკვეთილების ჩატარების შემთხვევაში. რისი გაგება სურთ მომავალში (2 წუთი).

საშინაო დავალება (1წთ).

დამატებითი მოიძიონ ინფორმაცია ცილების შესახებ.

შეფასება (2წთ).

განმავითარებელი, საკლასო მუშაობის მიხედვით.

თარიღი:	ექსპერიმენტის შეფასება							
მოსწავლე	შეფასების კრიტერიუმები							
	კვლევის მიზნის განსაზღვრა	საჭირო ინვენტარის განსაზღვრა	კვლევის შედეგის ვარაუდი	კვლევის მიმდინარეობის აღწერა	მონაცემების აღრიცხვა	მონაცემთა ანალიზი	დასკვნის გამოტანა	ქულათა მატარებელი რაოდენობა
	0-2	0-1	0-1	0-2	0-1	0-2	0-1	10
1.								
2.								
3.								

სასკოლო აქტივობა

საჯარო სკოლა და პრიორიტეტები საახალწლო ჩანაწერები

ქუთაისის №8 საჯარო სკოლამ ახალი წლის შესახებ დარბაზის ადრინდანი დაიწყო. ამ მიზნით სკოლის ვესტიბიულში დაიდგა ულამაზესი ნაძვის ხე, რომელსაც გვერდი დაუმშვენა გიგანტურმა თოვლის ბაბუამ. კლასები დამოუკიდებლად, ჯერ საკლასო, ხოლო შემდეგ სასკოლო ზეიმში მონაწილეობით, ცდილობდნენ თავის გამოჩენას. კლასებს შორის გამორჩეული იყო მე-3 კლასის სადღესასწაულო ღონისძიება (კლასის დამრიგებელი – ნანა რობაქიძე), სადაც მოსწავლეებმა წარმოადგინეს „საახალწლო ზღაპრის“ ინსცენირება. წარმოდგენის მიმდინარეობის დროს, ყველასათვის მოულოდნელად, საკლასო ოთახის კარი შემოაღო ამავე კლასის სსსმ მოსწავლე ნინო ცხადაძემ (იგი სავადმყოფო ფურცელზე იმყოფებოდა), რომელიც თეთრ სადღესასწაულო კაბაში გამოწყობილი, თეთრი ფიფქების გვირგვინით შემკობილი, მართლაც ზღაპრის მთავარ მოქმედ გმირს – დედოფალს ჰგავდა. ნინომ დამსახურებულად შეიფერა ფიფქიას როლი... იგი მოულოდნელად ცოცხალ წრეში აღმოჩნდა და სიხარულით აქეთ-იქით აწყვებოდა წრის „ზღუდეებს“, ცდილობდა თავის დაღწევას, მაგრამ ვერ ახერხებდა, რადგან მის ამხანაგებს მისი სიყვარულის ნიშნად მტკიცედ „შეეკრათ“ იგი. ყველა ბედნიერი იყო... თავდავიწყებამდე მისული ნინო კი, შთაგონებული სახით, აქეთ-იქით აელვებდა ლამაზ თაფლისფერ თვლებს და ამალღებულ გრძნობებით ლეზულობდა მისთვის საგანგებოდ შერჩულ საჩუქრებს... ილიმოდა, ცეკვავედა და ბედნიერად გრძნობდა თავს საკლასო ღონისძიებების შემდეგ, რომელიც თითქმის ყველა კლასში წარმატებით ჩატარდა, ასპარეზი სკოლის დასკვნით საახალწლო კარნავალს დაეთმო. ღონისძიებას ხელმძღვანელობდა უცვლელი „პროდიუსერი“, ქართული ენისა და ლიტერატურის მასწავლებელი მადეა გოჭაძე, რომელსაც გამორჩეულად შესწევს უნარი, ყოველ წელს, მოამზადებინოს მოსწავლეებს იდეურად დატვირთული საინტერესო საღამოები, ამიტომაც მას დახმარებისათვის ხშირად მიმართავენ ბავშვები.



თოდ გაილო სააქტო დარბაზის კარები და გამოჩნდა თოვლის ბაბუა ხურჯინით, რომელიც მომავადობელი ხმით მღეროდა: „ახალი წლის ღამეა და ყველა ელის ერთს... ზოგი ნატრობს სიმდიდრეს და

ზოგი კიდევ მეტს, აქ სიყვარულს მოელიან, ჯანმრთელობას მხნეს, ცხოვრებისგან მინიჭებულ ალალ-მართალ ბედს...“

სახეზე ყველას სიხარული და სიყვარული ჰქონდა აღბეჭდილი, რადგან ეს ხმა მათთვის ნაცნობი იყო... სულგანაბული უსმენდნენ... თოვლის ბაბუას სამოსში გამოწყობილ მომღერალს სულ მალე მთელი დარბაზი აჰყვავდა, მღეროდა მთელი სკოლა... „ცარიელი ბედელ-კარი ამოვსებოდეს, ლხინი აქვს თუ გაჭირვება ემღერებოდეს... საახალწლო დალოცვები არ მოკლებოდეს... ახალი წლის ღამეა და ყველა ელის ბედს...“

გულში ჩამწვდომ სიმღერას მაყურებლის მქუხარე ტაში მოჰყვავდა, ისმოდა აპლოდისმენტები და შედახილები: „გუგა, გუგა, გუგა, გაუმარჯოს ჩვენს გუგას!“

გუგას სკოლაში ყველა ასაკის მოსწავლე იცნობს და ყველას უყვარს. იგი მე-6 კლასის სსსმ მოსწავლე გურამ ჯგუბაშვილი გახლავთ. მას გამორჩეული წერია ხმა აქვს და ლამაზი სიმღერებით ხშირად აჯილდოებს ხოლმე მსმენელებს.

სკოლის სააქტო დარბაზში მსხდომთ ამალღებულ განწყობა დაეუფლა... მათ შორის ქალბატონ თეა ჩხეტიას და სკოლის პედაგოგებს, მაგრამ მსმენელთა შორის განსაკუთრებულ ყურადღებას იპყრობდნენ გამორჩეულად მსხდომი ქალბატონი და მამაკაცი, რომელთაც სახეზე იმედის სხივი ჰქონდათ მოფენილი, ხოლო თვლებში სიხარულის ცრემლები უცმციმებდათ... ეს გუგას დედ-მამა – ქალბატონი ნანა შალიკიანი და ბატონი რომან ჯგუბაშვილი იყვნენ.

სალამოს დამთავრების შემდეგ ძალიან ბედნიერი იყო გუგა, იცინოდა, ხალისობდა და ყველას გაბრწყინებული თვალებით შესცქეროდა... კიდევ ერთხელ ვრწმუნდები, რომ აღზრდელთა ხელშია სსსმ მოსწავლეთა სწორად აღზრდისა და საზოგადოებაში ინტელგურიების ბერკეტი. კიდევ ერთხელ იმამიც ვრწმუნდები, რომ „შეზღუდული შესაძლებლობები არ არსებობს“, რომ „შესაძლებლობები შეუზღუდავია“.

მზინა ზარნაძე
სსსმ ქალაქ ქუთაისის №8 საჯარო სკოლის პედაგოგი



თვალსაზრისი

ურემი რომ გადაბრუნდება, გზა მაშინ გამოჩნდება

ვაი, რომ ურემის გადაბრუნებას ბევრი აღარ აკლია (თუ უკვე არ გადაბრუნდა) და გზა მაინც არ ჩანს. ამ მოკრძალებული წერილით არ ვაპირებ ისეთი რამის თქმას, რაც ყველას საფიქრალი და საწუხარი არ არის. უბრალოდ, ჩემს ხმას შევეუერთებ მრავალთ ხმას და უფრო ბევრი ვიქნებით, ვისაც ქვეყნის მომავალი პირადულზე მეტად მიუტანია გულთან და მთავარ საფიქრალად გაუხდია.

როგორც ყველა, მეც ამაფორიაქა მომხდარმა ტრაგედიამ, რომლის შემზარავ სურათს ყოველ საღამოს, ძილის წინ კიდევ გვახსენებენ. ილიასი არ იყოს, დღეს არა გვაქვს მშვიდი და უშფოთველი ძილის მორალური უფლება.

როგორც თითოეული თქვენგანის, ჩემი გონებაც განუწყვეტლივ ერთი კითხვის გარშემო ტრიალებს:

სად არის გზა ხსნისა?

ცივილიზებული სამყაროს ნაწილად ქცევა რომ ჯერ კიდევ ჩვენი წინაპრების ოცნება იყო, ამაში ეჭვი არავის ებარება, არც დემოკრატია ჩვენთვის უცხო ხილი და არც მსოფლიო ხალხთა მეგობრობა. ყოველივე ამის დასტურია ჩვენი მრავალსაუკუნოვანი ლიტერატურა, ამას ვასწავლით ბავშვებს და ხაზს ვუსვამთ ჩვენი ერის დემოკრატიულ თვითშეგნებას: „ჩვენი წინაპრის გონებას ადრევე გადუნევეტია, რომ სამსახეროში ისა სჯობს, მსაჯული რაც რომ მეტია“ (აკაკი). მაგრამ ჩვენთვის არავის უბრძანებია, რომ ჩვენს საკუთარ მონაპოვარზე ხელი ავიდოთ და უცხო ვეზიაროთ.

სიტყვამ გამიტაცა და სათქმელი გამიგრძელდა. დღეს ქვეყანაში, უდავოდ, ბევრი რამ კეთდება (ყოველ შემთხვევაში, არის მცდელობა დაიხვეწოს განათლების სისტემა და დაუახლოვდეს ევროპულ სტანდარტებს), მაგრამ მთავარი საზრუნავი – მოზარდი – ვერ მოექცა ყურადღების ცენტრში. მასხენდება დიდი გალაკტიონის „ქალაქში, მტვერში, ნაიქცა ბავშვი“. ასე მგონია ის სულმნათი დღევანდელობას ეხმარება.

ბოდა და გვაფრთხილებდა. არა მგონია, იყოს მშობელი ან პედაგოგი, რომელსაც არ უნდოდეს სრულყოფილი, განათლებული ბავშვების აღზრდა. მაშ, რა გვიშლის ხელს?! ვფიქრობ, მთავარი მაინც სახელმწიფოა. თუ არ გაუმჯობესდა ქვეყანაში საყოფაცხოვრებო პირობები, ვერც მშობელი და ვერც პედაგოგი ვერ მიაღწევს მიზანს. ბავშვს მეტი სიყვარული და თანადგომა სჭირდება.

დღეს სკოლაში საგნის მეცნიერულ შესწავლაზე ძირითადი აქცენტი გადატანილი, მაგრამ ნაკლები ყურადღება ექცევა ბავშვის სულიერ განვითარებას, რაც სრულფასოვანი პიროვნების ჩამოყალიბებისათვის აუცილებელი პირობაა. ვფიქრობ, კარგი იქნება სკოლებში აღდგეს რელიგიის სწავლება. დარწმუნებული ვარ, სიყვარულით გაუთბობს ჩვენს მოზარდს გულს და დაეხმარება სულიერი სიმტკიცისა და ნონასწორობის ჩამოყალიბებაში.

ორიოდე სიტყვით მინდა შევეხო მასმედიას, რომელიც ერთი და იმავე, სულისა და გულისათვის უსარგებლო, თემებს გვთავაზობს და განიხილავს.

და რაც მთავარია, ჩვენს მშობლებს, დიდი სურვილის მიუხედავად, ვერ მიუწვდებთ ხელი პედაგოგიურ განათლებაზე, ამ მიზნით სკოლაში ასეთი ტრადიცია გვაქვს – ვთავაზობთ აქტუალურ თემებს და ვიზიარებთ ერთმანეთის გამოცდილებას. ჩემს ბავშვობაში გამოდიოდა გაზეთი „მცხეთა“, დიდი ტირაჟით, რომელიც ყველა ოჯახს ჰქონდა გამოწერილი. ამ გადასახედიდან რომ ვაფასებ, ეს გაზეთი ძალზე დიდ საქმეს აკეთებდა მშობელთა პედაგოგიზაციის მხრივ. ახლაც გამოდის იმავე დასახელების გაზეთი, რომელსაც შესანიშნავი გულისხმიერი ქალბატონი რედაქტორობს, მაგრამ ტირაჟი მცირეა და ყველა ოჯახამდე ვერ აღწევს.

შევეცადე, ჩემი ვარაუდი და პოზიცია გადმოგეტყუებინათ. რამდენად შევძელი, ეს თქვენ განსაჯეთ. მე მაინც კიდევ

მინდა ხაზი გავუსვა იმ აზრს, რომ დღეს, ისე, როგორც არასდროს, გვჭირდება ვიმოქმედოთ გონივრულად. მოვუსმინოთ ერთმანეთს, გავითვალისწინოთ ერთმანეთის აზრი, ხედვა და შევიშუშაოთ სამოქმედო პროგრამა. არ იქნება ცუდი გადახედოთ უწმინდესის ილია II-ის ქადაგებებსა და განსაკუთრებით ეპისტოლეებს, რომლებშიც მოკრძალებით, მაგრამ მეტად გონივრულად, შეგვაგონებს დიდ სიბრძნეს თითქმის ყველა საჭირობოროტო და სადავო საკითხზე.

თვალს ვავლებ წმინდა ილია მართლის პუბლიცისტურ წერილებს და მგონია, დღეს ის ჩვენ გვერდითაა და ჩვენი რეალობით შეძრწუნებული გვაფრთხილებს: „უზარმაზარი თხრილია ჩვენ, ქართველების წინ და აინუნშიაც არ მოგვდის. ამ თხრილის პირას ვდგავართ და საკმაო ხელი გვეკრან და შიგ გადავიჩეხებით დედაბუდიანად. ორბი, არნივიც კი ვერლა გვიპოვის, ველარ დასწვდება ჩვენს ძელებს, რომ გამოხრან, გამოსწინკნონ, ისეთი ღრმაა ეს თხრილი, ისეთი უძირო“.

გვინდა, არ გვინდა გლობალიზაცია გარდაუვალია. ეს კი ყველაზე მეტ საშიშროებას პატარა ერებს უქადის. დღეს უფრო მეტად გვჭირდება ქრისტიანული სიყვარულით გამოთლიანება და ქვეყნის სახელმწიფოებრივი სიმტკიცე, რათა ვიზრუნოთ ეროვნული ტრადიციებისა და ზნეობრივი სინონიმის შენარჩუნებისათვის, რომ არ გავხდეთ მსოფლიო გლობალიზაციის მსხვერპლი და ჩვენი ეროვნული საუნჯით ხელდაშვებულნი მივუსხდეთ მსოფლიო გლობალიზაციის სუფრას, მაშინ კი მართლა ვერაფერს დაგვაკლებს „ბჭენი ჯოჯოხეთისანი“.

მაია ცულაშვილი
მცხეთის რაიონის სოფელ ძაღისის
საჯარო სკოლის
ქართული ენისა და ლიტერატურის მასწავლებელი

სასკოლო აქტივობა

სიკეთე გადამდება

ყვარლის მუნიციპალიტეტის სოფელ გავაზის საჯარო სკოლა უამრავი კეთილი საქმისა და აქტივობის განმახორციელებელი სკოლაა. მათ შორის გამოვარჩევთ სულ ახლახან ჩატარებულ, ტრადიციად დამკვიდრებულ ღონისძიებას – „მად-



ლიერების დღის“ აღნიშვნას. ღონისძიების აქტივობები პერიოდულად იცვლება. თავდაპირველად, რამდენიმე წლის განმავლობაში, სურვილისა და შესაძლებლობების მიხედვით, მოსწავლეები ამზადებდნენ ხელნაკეთ, ლამაზად გაფორმებულ ღია ბარათებს, სუვენირებს და ჩუქნიდნენ თანაკლასელებს, თანასკოლეებს, პედაგოგებს, დირექციას, მშობლებს, სოფლის მოძღვარს, ყველას, ვის მიმართაც სურდათ გულწრფელი მადლიერების გამოხატვა.

ბოლო წლებში, სკოლის მოსწავლეთა თვითმმართველობის ინიციატივით, დამკვიდრდა სპეციალურად ამ დღისათვის განსხვავებული აქტივობა – სურვილის მიხედვით, მოსწავლეები და მასწავლებლები შეკრებენ სურსათ-სანოვარს, რომელიც ლამაზად იფუთება პოლიეთილენის პარკებსა და მუყაოს ყუთებში და გადაეცემა სოფლის უკიდურესად გაჭირვებულ ოჯახებს.

ტრადიცია არც ჩვენ, ახლად არჩეულმა თვითმმართველობის წევრებმა დავარღვევთ. კვლავ დიდი აქტიურობით ჩავერთეთ საქმიანობაში. კლასის დამრიგებლებთან ერთად შევფუთეთ სანოვარე, გადავინანილეთ ოჯახები და ხალხისთვით გავემართეთ ხელმოკლე ოჯახებისკენ. არც სკოლის პედაგოგები და დირექცია დარჩენილან ვიზიტის გარეშე. მათ, ჩვენთან ერთად, მოინახულეს სკოლის ყოფილი პედაგოგი და დირექტორი, 87 წლის უსაყვარლესი, ვენერა (კენელაშვილი) მასწავლებელი, რომელიც მარტოხელაა და წლების განმავლობაში ლოგინადაა ჩანოლილი... მას დამხმარე ქალბატონი ემსახურება. არასოდეს დაგვავინწყდება მისი სიხარული ცრემლებით სავსე თვალები, ფართოდ გაშლილი ხელები და გულში ჩახუტება, როცა მივდივართ და ცრემლებით დანამული სახე, როცა ვემშვიდობებით.

მიმდინარე წლის „მადლიერების დღეს“ ერთი განსხვავებული აქტივობა შევმატეთ. სკოლის დირექტორმა მოგვანოდა იდეა და ამჯერად, ვესტუმრეთ საქართველოს წითელი ჯვრის საზოგადოების ყვარლის სოციალური ცენტრის (ხელმძღვანელი – ქალბატონი ია ბეჟანიშვილი) ბენეფიციარ მოხუცებს. შეხვედრა იმაზე მეტად ამაღლებელი აღმოჩნდა, ვიდრე წარმოვიდგენდით. ცენტრში მისულებს „ტკბილად მომღერალი“ ბებოების ხმა ფინანდაზად გადაგვეფინა. სიხარულის



ცრემლები მოგვადგა თვალზე... გავიცანით ბებოები, რომელთაც მოძრაობა შეეძლოთ, ხოლო მათ, ვინც უმწეოები იყვნენ, თვითონ ვესტუმრეთ ოჯახებში ჩვენი ნობათით. არა მხოლოდ ბენეფიციარმა მოხუცებმა, არამედ ახლოს მცხოვრებმა მეზობლებმაც დიდი მადლობა გადაგვიხადეს ამ ვიზიტისთვის. ცენტრში დაბრუნებულები კი, ბებოებმა ჩაიხე და ტკბილულზე მიგვიწვიეს. ვიმღერეთ, ვიციკვეთ და ამაღლებული განწყობით დავბრუნდით სოფელში.

ისევე როგორც საქართველოს წითელი ჯვრის საზოგადოება ზრუნავს და ორიენტირებულია ადამიანთა ნებისმიერი სახის დახმარებაზე – სიღარიბე, ძალადობა, მცდარი შეხედულებისაგან თავის დაღწევა და ა.შ., ჩვენი სკოლის დირექცია და მასწავლებლები არ გვაკლებენ აღმზრდელი საუბრებს, რომ ვიყოთ ჰუმანური, მიუკერძოებელი, გაცეთე შეძლებისდაგვარად მეტი მადლი და სიკეთე, ვასიამოვნოთ ჩვენ გვერდით მყოფ ადამიანებს. უფრთხვებით გამოთქმას: „სიკეთე გადამდება!“...

ბაჩო რაჭიბაშვილი
გავაზის საჯარო სკოლის
მოსწავლეთა თვითმმართველობის თავმჯდომარე,
XI კლასის მოსწავლე

ახალი ახგაბი

მოვუსმინოთ მასწავლებლებს

საქართველოს განათლებისა და მეცნიერების მინისტრის, მიხეილ ჩხენკელის ინიციატივით, დაიწყო პედაგოგებთან შეხვედრების ციკლი „მოვუსმინოთ მასწავლებლებს“.

მინისტრთან შეხვედრაზე მასწავლებლებმა აქცენტები გააკეთეს მასწავლებელთა პროფესიული განვითარების სქემაზე, დამამთავრებელ გამოცდებზე, სახელმძღვანელოებზე, მშობლებთან კომუნიკაციაზე და სხვა არაერთ მნიშვნელოვან თემაზე, რაც სასკოლო ცხოვრებას უკავშირდება.



სასკოლო აქტივობა

დროული, საჭირო და სასარგებლო!

დღეს, როცა ადამიანი მთავარს ზედაპირიდან აღებული სინჯების ქიმიურ შემადგენლობასა და 10-11 კილომეტრის სიღრმეზე ოკეანის წყლის ქიმიურ შემადგენლობას იკვლევს და არკვევს, თანამედროვე ტექნოლოგიების საშუალებით აურაცხელი ინფორმაციის მიღება შესაძლებელია, მაგრამ მოსწავლე ახალგაზრდობა წინასწარ კითხვას დასვრდა.

ალბათ ამის გამო, განათლების სამინისტრომ დანიშნა, დამატებით, 20 თავისუფალი გაკვეთილი, რომელთაგან 2 გაკვეთილი 2017 წლის გაზაფხულზე ჩატარდა, ხოლო 18 გაკვეთილი – სექტემბრიდან 25 დეკემბრამდე. გაკვეთილები უნდა ჩატარებულიყო VIII-IX კლასებში.

აპაკი ზუმაძე მესტიის რაიონის ხაიშის საჯარო სკოლა

სპორტი

18-წლამდელთა ჩემპიონატი

16 იანვარს სტარტი აიღო საქართველოს ჩემპიონატმა 18-წლამდელ კალათბურთელთა შორის. საქართველოს კალათბურთის ფედერაცია, სხვა გუნდური სათამაშო სახეობების მსგავსად, აქტიურად ატარებს ჩემპიონატებს ასაკობრივ ლიგებში და 18-წლამდელშიც ერთ-ერთი მათგანია.

წელს, ამ ლიგაში 14 კლუბი გამოდის, რომელთაგან 10 თბილისურია, 4 კი რეგიონებს წარმოადგენენ: რუსთავი, ქუთაისი, გორი და სოხუმი. დედაქალაქს ყველაზე ინტენსიურად ზაზა ფაჩულაძის აკადემია წარმოადგენს, რომელიც 3 გუნდით იასპარეზებს, სხვები კი – ორბი, შიუნდაი, კალათბურთის აკადემია, იბერი, მართვი, თსუ და 16-წლამდელთა ნაკრები. სასიხარულოა, რომ წმინდა სპორტული სუბიექტების გარდა (აკადემიები, საკალათბურთო კლუბები), მონაწილეთა შორის, უმაღლესი სასწავლებლის გუნდიცაა – თსუ. რაც შეეხება 16-წლამდელთა ნაკრებს, ჩემპიონატში უკონკურსოდ, გამოცდილების მისაღებად გამოდის. ისინი თავიანთი სტარტებისთვის ემზადებიან, თაობათა ცვლის პროცესშიც არიან და უფროსებთან თამაში მართლაც დიდად ნაადგებათ გამოცდილების დაგროვებაში.

ეს ნაკრები და რეგიონების გუნდები ჩემპიონატში მათივე სურვილის საფუძველზე დაუშვებს, თბილისის დანარჩენმა 9 კლუბმა კი საგზური დედაქალაქის პირველობაზე მოიპოვა. გუნდები ერთ ქვეჯგუფში იქნებიან და, თავდაპირველად, რეგულარულ ჩემპიონატში ორ წრედ, მიმოსვლით ითამაშებენ. შესარჩევი ეტაპის შემდეგ გაირკვევა 8 მეოთხედფინალისტის ვინაობა, რომლებიც წყვილებში საუკეთესოს მხოლოდ ერთი შეხვედრით გამოავლენენ, მასპინძლის როლში კი ის გუნდი იქნება, რომელიც რეგულარულში უკეთეს ადგილზე გავა. ნახევარფინალური და ფინალური ორთაბრძოლები ორ-ორ მოგებამდე გაგრძელდება. პაექრობები თბილისში, სპორტის ოლიმპიურ სასახლეში (სპორტის ახალი სასახლე მადლივან), ჩატარდება, რეგიონების გუნდები კი საკუთარ არენებზე უმასპინძლებენ მეტოქეებს.



აფრასიძის ახალი სიმაღლე



ჩვენ უკვე ვწერდით ნიჭიერი ახალგაზრდა ქართველი მორაგბის – გელა აფრასიძის წარმატების შესახებ, რომელიც საფრანგეთის ტიტულოვანმა კლუბმა „მონპელიემ“ შეიძინა. „ლელო სარასენის“ 19 წლის ჰავეკი ევროპული სელექციონერების თვალთახედვის არეში ზაფხულში, თბილისში გამართული მსოფლიო ახალგაზრდული პირველობის შემდეგ, მოექცა, მართლაც რომ დიდებული თამაშის დამსახურებით.

სხვებზე მეტად ფრანგებმა იყოჩაღეს და ქართველი ტალანტი ხელში ჩაიგდეს. მათ პომპეზურადაც წარადგინეს აფრასიძე, რომელმაც უკვე ეროვნულ ნაკრებშიც მოასწრო 3 შეხვედრის ჩატარება და ფრანგულ კლუბშიც ითამაშა შიდა ჩემპიონატში.

სხვათა შორის, აფრასიძე, მსოფლიო რაგბის მმართველი ორგანოს მიერ, წარდგენილი იყო საუკეთესო ლელოს ავტორის ნომინაციაზე, თუმცა მას არგენტინელმა ხოაკინ ტუქუ-ლეტმა აჯობა, რომელმაც საუკეთესოდ შეფასებული ლელო, იენისის ტესტებზე, თვით ბრიტანეთს დაუდო.

ამ დღეებში აფრასიძემ კიდევ ერთი დიდი ნაბიჯი გადადგა საყოველთაო წარმატებისკენ: ჯერ იყო და „მონპელიემ“ ის ჩემპიონთა თასის, ანუ ტოპ-14-ის განაცხადში შეიყვანა, რომელიც კლუბს ინგლისის ჩემპიონ „ექსტერ ჩიფსთან“ უნდა გაემართა, მალევე კი სულაც აღნიშნული მატჩის ძირითად შემადგენლობაში დაასახელა, რაკილა სხვა ჰავეკები დაუშავდა.

აღნიშნული შეხვედრა უკვე შედგა და აფრასიძემაც დებიუტი მოიწყო ტოპ-14-ში. პირადად მას ურიგოდაც არ უთამაშია, თუმცა დებიუტი მაინც მარცხიანი გამოდგა, რადგან „მონპელიემ“ დიდი ანგარიშით – 10:41 დამარცხდა. აფრასიძემ პირველ ტაიმში ლელო გამოიმუშავა, რომელიც აარონ კრუდენმა გაიტანა და ფრანგებს 3 ქულა შესძინა, ერთხელ მეტოქეს ბურთის დამინების საშუალება არ მისცა და თავისიანები ლელოსგან იხსნა, ბურთი 3-ჯერ ხელთაც ატარა, 60 პასიც

გაკეთა და მხოლოდ ორჯერ დაკარგა. მის ანგარიშზე 6 წარმატებული შებოჭვაცაა.

გორელთა წარმატება შამქირში

წინასაახალწლო დღეებში გორელმა ახალგაზრდა ძიუდოისტებმა წარმატებით იჭიდავეს აზერბაიჯანულ შამქირში გამართულ საერთაშორისო ტურნირზე, სადაც 4 მედალი მოიპოვეს: თითო ოქრო-ვერცხლი და 2 ბრინჯაო.

შამქირში გურამ პაპიტაშვილის სახელობის კომპლექსური საჭიდაო სკოლის გუნდი გამოდიოდა, ანზორ თენაძის ხელმძღვანელობით. ტურნირში კი, მათ გარდა, აზერბაიჯანის რამდენიმე გუნდი მონაწილეობდა ქვეყნის ლამის ყველა დიდი ქალაქიდან, ხოლო უცხოელთაგან – 2004-05 წლებში დაბადებული ნაკრებები რუსეთიდან, თურქეთიდან და ლიტვიდან.

ჩვენებურებმა ორი ფინალი იჭიდავეს, მათგან უფრო წარმატებით – ყველაზე პრესტიჟულ ყველაზე მძიმე წონაში, სადაც არჩილ მამულაშვილი კვლავაც მონოდების სიმაღლეზე დადგა, გადამწყვეტი პაექრობაც მოიგო და ჩემპიონიც გახდა. მისგან განსხვავებით, ამ ეროვნული პაექრობის მოგება დააკლდა გიორგი მიქელაძეს 66 კილოგრამში და, საბოლოოდ, ვერცხლის მედალს დასჯერდა. ბრინჯაოს მედალს დასჯერდა არჩუაძე (42) და ლუკა თურაზაშვილი (60) დასჯერდნენ.



რუბრიკას უძღვება ირაპალი თაყვაძე

მასწავლებლის ბიბლიოთეკა




სასწავლო პროექტები ნივთი მრავალფეროვნებას აძლევს... 11 ლარი



ქართული I-VI კლასები ნივთი შექმნილია მასწავლებლის პროფესიული განვითარებისთვის... 11 ლარი



პროფესიული უნარები დამატებითი სასწავლო მასალის განხილვისთვის... 15 ლარი




4 ლარი



6 ლარი



6 ლარი



5.50 ლარი



14 ლარი



6.50 ლარი

მოქალაქეთა საბატონო გამოცდებისთვის

კრებულში შესულია პროგრამით გათვალისწინებული თეორიული მასალა და ტესტები... fb.com/bakursulakauripublishing



თითო კრებულის ფასი - 10.90 ლ

ნაძვირი და მომხილველი ანბანი

სერიის შემადგენელი I-VI კლასების მოსწავლეებისათვის, „კითხვის საათის“ სპეციალური გამოცდებისთვის.



სერიის ფასი - 32.40 ლ


ქართული ენის კრებულები

ეროვნული სასწავლო გზამკვლეოთი გათვალისწინებული გრამატიკის თეორიული კურსი და სავარჯიშოები.



სერიის ფასი 17.70 ლ

ტესტები ქართულ ლიტერატურაში საბატონო და ეროვნული გამოცდებისთვის



ნივნი I V-XVIII საუკუნეების მწერლობა



ნივნი II XIX საუკუნის მწერლობა



ნივნი III XX საუკუნის მწერლობა



ნივნი IV XXI საუკუნის მწერლობა



12 ლარი

თამაზ ვასაძე კომენტარული ტექსტი და ანალიტიკური გზამკვლევი




4 ლარი

თამაზ ვასაძე ქართული ანბანისათვის პროზა ლიტერატურის შემსწავლელთათვის




10 ლარი

თამაზ ვასაძე ქართული ენის სასკოლო განმარტებითი ლექსიკონი (ორტომეული)



10 ლარი

ფიზიკა საბატონო გამოცდებისთვის ქ. ტატიშვილი, ზ. ბარანი



6 ლარი

ბიოლოგია ეროვნული გამოცდებისთვის ლ. ბურღილაძე, ნ. სისხრულიძე, დ. მალაქაძე, დ. ნაზირიშვილი



ხელმოწერის თანხა გადმორიცხეთ რეკვიზიტებზე: მიმღები - შპს „ახალი განათლება“, ს/კ 202058735, ა/ა GE93LB0113314052305000, ს/ს „ლიბერთი ბანკი“, ბ/კ LBRTGE22. შპსის მსურველები დაგვიკავშირდით: 555 411 668, 599 88 00 73, 032 295 80 23

მთავარი რედაქტორი: მარიკა ჩიქოვანი

მისამართი: თბილისი, აკ. წერეთლის გამზ. №126, სართული II, ოთახი №14 ტელ.: 032 295 80 23, 599 880073 www.axaliganatleba.ge axaliganatleba@gmail.com რედაქციის საბანკო რეკვიზიტები: შპს „ახალი განათლება“ ს/კ 202058735, ა/ა GE86BG000000123631000GEL, ს.ს. „საქართველოს ბანკი“ ბ/კ BAGAGE22, რედაქციაში შემოსული ხელნაწერები არ რეცენზირდება და ავტორებს არ უბრუნდება.

ISSN 2233-386X 9 772233 386008 > ფასი - 1 ლარი 90 თეთრი